

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

# **I Z V J E Š T A J**

**O RADU VLADE TUZLANSKOG KANTONA ZA 2012.GODINU  
SA OSVRTOM O AKTIVNOSTIMA VLADE TUZLANSKOG KANTONA  
ZA PERIOD 01.01.2013. – 31.03.2013. GODINE**

**Tuzla, septembar 2013. godine**

## Sadržaj

Uvod.....	3
Osvrt na aktivnosti Vlade Kantona u 2012.godini .....	5
Oblast rada, socijalne politike i povratka .....	9
Oblast industrije, energetike i rudarstva .....	14
Oblast zdravstvene zaštite .....	16
Oblast prostornog uređenja i zaštite okoline .....	19
Oblast razvoja i poduzetništva.....	21
Oblast poljoprivrede, šumarstva i vodoprivrede.....	24
Oblast pravosuđa i uprave.....	28
Oblast boračko-invalidske zaštite .....	29
Oblast trgovine, turizma i saobraćaja .....	31
Oblast unutrašnjih poslova i bezbjednosti.....	33
Oblast budžeta i finansija .....	37
Oblast obrazovanja, nauke, kulture i sporta .....	42
Oblast rada iz nadležnosti prosvjetno pedagoškog zavoda .....	45
Oblast inspekcijskih poslova .....	47
Oblast privatizacije .....	49
Oblast koncesija.....	53
Oblast civilne zaštite.....	55

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

## UVOD

Izveštaj o radu Vlade Tuzlanskog kantona, sačinjen je na osnovu pojedinačnih godišnjih izvještaja o radu ministarstava, samostalnih kantonalnih uprava i kantonalnih upravnih organizacija, objedinjenih u jedinstven Izveštaj o radu Vlade Tuzlanskog kantona.

Ovim izvještajem obuhvaćen je period od 01. 01. 2012. – 31. 03. 2013. godine.

Rad Vlade Tuzlanskog kantona (u daljem tekstu Vlada) se u navedenom periodu odvijao u složenim ekonomskim, političkim i društvenim uslovima. U 2012. godini je došlo do promjena sastava Vlade kao rezultat promjene u pozicionim i opozicionim strankama, te uspostave nove vladajuće koalicije u Tuzlanskom kantonu koju su u navedenom periodu činili SDP, SBB, NSRzB i BPS.

Članovi Vlade u periodu 01. 01. 2012. – 31. 03. 2013. godine su bili:

1. Sead Čaušević, Premijer Kantona od 10. 02. 2011. -
2. Ministar finansija  
Mlađan Lazić od 10. 02. 2011. – 04. 06. 2012.  
Alisa Bijedić od 04. 06. 2012. –
3. Ministar prostornog uređenja i zaštite okolice  
Senija Bubić od 10. 02. 2011. – 04. 06. 2012.  
Mirsad Hadžiselimović od 04. 06. 2012. – 31. 05. 2013.
4. Ministar za boračka pitanja  
Asim Aljić od 10. 02. 2011. – do 04. 06. 2012.  
Zijad Mahmutović od 04. 06. 2011. – 31. 05. 2013.
5. Ministar obrazovanja, nauke, kulture i sporta  
Nađa Avdibašić – Vukadinović od 10. 02. 2013. – 31. 05. 2013.
6. Ministar pravosuđa i uprave  
Alen Taletović od 10. 02. 2011.2011. -
7. Ministar poljoprivrede, šumarstva i vodoprivrede  
Imšir Škahić od 10. 02. 2011. – 04. 06. 2012.  
Edin Ajanović od 04. 06. 2012. -
8. Ministar razvoja i poduzetništva  
Dijana Bilanović od 10.02.2011. – 31. 05. 2013.
9. Ministar industrije, energetike i rudarstva  
Željko Knežiček od 10. 02. 2011. -
10. Ministar unutrašnjih poslova  
Bego Gutić od 10.02. 2011. – 04. 06. 2012.  
Amir Husić od 04. 06. 2012. – 19.04.2013.
11. Ministar za rad, socijalnu politiku i povratak  
Sejo Hasić od 10.02.2011. – 31. 05. 2013.
12. Ministar zdravstva  
Dr. Nada Pavlović – Čalić od 10.02.2011. – 31.05.2013.
13. Ministar trgovine, turizma i saobraćaja  
Aziz Čačković od 10.02. 2011. – 21.12.2012.  
Senaid Hadžić od 21.12.2012. -

## Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Pri utvrđivanju pravaca djelovanja Vlada se u izvještajnoj godini oslanjala na:

- Program rada Vlade Tuzlanskog kantona za 2012. godinu;
- Ekspozea Premijera Kantona za mandatni period 2011. – 2014. godina
- Proračun Tuzlanskog kantona za 2012. godinu;
- Strateške dokumente, akcione planove, programe mjera
- Programe rada ministarstava i drugih organa kantonalne uprave

I 2012. godinu, kao i nekoliko prethodnih godina, karakterizirali su složeni ekonomski, gospodarski i socijalni uslovi, koji su bili osnovna prijetnja realizaciji planiranih aktivnosti Vlade. Prilagođavajući svoja programska opredjeljenja i svoj rad ekonomskoj krizi, Vlada je prioritet dala provođenju Programa mjera štednje (mjere uštede na svim oblicima javne potrošnje gdje je to moguće učiniti, uštede na materijalnim troškovima, između ostalog i putem provođenja zajedničkih javnih nabavki, uštede na plaćama budžetskih korisnika itd), Programa mjera u oblasti privrede za ublažavanje posljedica ekonomske krize (Pomoć privrednim društvima sa većinskim državnim kapitalom koji su u nadležnosti Kantona; Program mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, Program mogućnosti ekonomsko - finansijske rekonstrukcije Fabrike obuće „Aida“ d.d. Tuzla) i kreiranju uslova za dalji razvoj i jačanje poduzetništva na Tuzlanskom kantonu, kao i analizi efekata dosadašnjih mjera i poticaja. Jedan od osnovnih ciljeva Vlade Tuzlanskog kantona u 2012. godini je bilo očuvanje radnih mjesta. U 2012. godini je ostvaren i blagi rast broja zaposlenih. Tako je u oktobru 2011. godine prema podacima Federalnog zavoda za statistiku na području TK bilo 83.784 zaposlenih a 28.2.2013. registrovano je 85.839 zaposlenih osoba.

Osnovna prijetnja implementaciji planiranih programa i mjera Vlade su složeni finansijski uslovi.

Budžet Tuzlanskog kantona za 2012. godinu, utvrđen u martu 2012. godine u iznosu od 399.392.045,81 KM, od čega su 44.231.899,00 KM planirana kao kreditna sredstva. Svi pokazatelji ukazivali su na dalji pad redovnih budžetskih prihoda u 2012. godini, pa je rebalansima Budžeta procijenjen pad prihoda i primitaka sa 351.720.964,81 KM na 336.916.255,13 KM, a istovremeno rast finansiranja (zaduženja) planiran na ukupno 63.034.985,00 KM.

Međutim, u 2012. godini ostvareni su prihodi od 297.815.031,66 KM, a da u istom periodu nijedan kredit nije realizovan.

Vlada je vršila redovnu analizu stanja u oblastima koje su u nadležnosti Tuzlanskog kantona, pratila primjene postojećih zakona i drugih propisa i inicirala dogradnju postojećeg normativno-pravnog sistema. U tom smislu, Vlada je utvrdila nacрте i prijedloge zakona i drugih propisa iz nadležnosti Tuzlanskog kantona, te donosila propise i akte iz svoje nadležnosti.

Vlada je redovno informisala Skupštinu Tuzlanskog kantona o svim aktuelnim pitanjima i predlagala mjere za njihovo rješavanje, a pregled dostavljenih materijala se daje, po oblastima, u ovom izvještaju.

### **Ciljevi iz Programa Vlade za period 2012. godine**

Vlada je u 2012. godini radila na realizaciji 4 osnovna strateška cilja definisana u Programu rada Vlade za 2012. godinu:

- A. Poboljšanje ekonomskog položaja Tuzlanskog kantona
- B. Razvoj ljudskih resursa i unapređenje kvaliteta života
- C. Smanjenje i pravednija potrošnja, kao i učinkovitija organizacija organa uprave
- D. Promjena sistema društvenih vrijednosti

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Navedene ciljeve Vlada je nastojala realizovati kroz rad ministarstava i drugih institucija i organa Tuzlanskog kantona implementacijom različitih programa i aktivnosti koji su prikazani u daljem tekstu ovog Izvještaja.

## **Osvrt na aktivnosti Vlade u 2012.godini**

U 2012. godini održano je ukupno 49 sjednica Vlade, od čega 33 redovne i 16 vanrednih sjednica, na kojima je razmatrano ukupno 714 tačaka dnevnog reda ili 14,5 tačaka po sjednici, a kroz te tačke dnevnog reda ukupno je obrađeno preko 900 pojedinačnih mjera.

Nadalje, Vlada Tuzlanskog kantona je u periodu od januara do kraja marta 2013. godine održala ukupno 10 sjednica od čega 5 redovnih i 5 vanrednih sjednica. Na tim sjednicama obrađeno je ukupno 149 tačaka dnevnog reda sa ukupno 243 pojedinačne mjere. Iz navedenih pokazatelja je vidljivo da je na relativno manjem broju održanih sjednica obrađen veliki broj tačaka i pojedinačnih mjera, odnosno oko 15 tačaka ili 24 pojedinačne mjere u prosjeku po svakoj sjednici.

Od mnogobrojnih tačaka i materijala u tom periodu Vlada je razmatrala i obradila u 3 navrata Budžet Kantona i Zakon o izvršenju Budžeta Kantona, 8 drugih Zakona, 1 Elaborat, 3 Programa, 99 Odluka, 7 Planova, 12 Izvještaja, 2 Uredbe, 7 Informacija, 6 Pravilnika, 76 Rješenja i 15 ostalih mjera (Zaključci, Inicijative, Izjašnjenja, Preporuke, Procjene).

Programom rada Vlade za 2012.godinu planirano je ukupno 195 mjera od čega je realizirano 161, ili 82,5% od planiranog, odnosno nerealizirane su 34 planirane mjere ili 17,5% od plana.

U složenim ekonomskim, privrednim, socijalnim i finansijskim uslovima, Vlada je nastavila sa započetim reformama, u oblasti obrazovanja, zdravstva, poduzetništva, ljudskih resursa itd.

Vlada je naročitu pažnju posvetila unaprijeđenju kapaciteta u ljudskim resursima kojima raspolaže, jačanju administrativnih kapaciteta za pripremu aplikacija za pristup EU fondovima, organizirajući seminare za pripremu projekata, radionice vezane za planiranje, timove koji su radili interesorno na raznim pitanjima od značaja za Vladu. U cilju razvoja „ljudskog kapitala“, započeta je reforma tržišta radne snage, odnosno urađena je prva analiza potreba na tržištu rada, kao i analiza obrazovnog sistema, koje će omogućiti da se ponuda i tražnja na tržištu radne snage ujednače, što je i pretpostavka zapošljavanja u budućem periodu. Ministarstvo razvoja i poduzetništva se aktivno uključilo u rješavanje ovog pitanja, na način da je pripremio Projekat Barometar radne snage, za koji je tražilo sredstva iz međunarodnih fondova.

U više resora Vlada je imala napredak u smislu jačanja kapaciteta za implementaciju projekata i jačanje kapaciteta u raznim infrastrukturnim podsektorima. Usvojena je procedura za prikupljanje i ocjenu infrastrukturnih projekata, kao osnova za dalji rad na privlačenju investitora i/ili finansijera za realizaciju najznačajnijih projekata.

Vlada Kantona je uspješno okončala pregovore sa Evropskom bankom za obnovu i razvoj (EBRD) o mogućnostima finansiranja i podrške realizaciji I faze projekta zaštite Modraca, koju čini izgradnja sistema za odvodnju i postrojenja za tretman komunalnih otpadnih voda u naseljima na obali Modraca. Za realizaciju ovog projekta Vladi Tuzlanskog kantona odobrena su grant sredstva za tehničku asistenciju u iznosu od 1.500.000 Eura.

S obzirom da je u prethodnom periodu ustanovljen nedostatak kapaciteta za razvoj javno-privatnog partnerstva kao barijere u razvoju, donešen je Zakon o javno-privatnom partnerstvu. Potaknuta potrebom rješavanja problema hronične nelikvidnosti privrede, Vlada je realizirala Programe poticaja putem subvencioniranja kamata, naročito za one poslodavce koji su u toku 2011. i 2012.godine zapošljavali nove radnike. Takođe su dodjeljeni i subvencionirani krediti, kao podrška novom zapošljavanju i rješavanju problema nelikvidnosti.

S obzirom na otežan pristup finansijskim sredstvima, Vlada Kantona je inicirala i posredovala u otvaranju poslovnice Razvojne banke FBiH u Tuzli.

Formiran je Interresorni tim za regulatornu reformu, koji je kroz tri radne grupe ponudio nekoliko inicijativa za unaprijeđenje poslovnog ambijenta. Vlada je potpisala Ugovor o saradnji sa

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

IFCom vezano za realizaciju Projekta Unaprijeđenja poslovnog ambijenta na Kantonu s ciljem privlačenja novih investicija, koji će doprinijeti, između ostalog povećanju konkurentnosti Kantona putem smanjenja troškova i rizika poslovanja, povećanju transparentnosti u sprovođenju administrativnih postupaka na kantonalnom nivou, jačanju kapaciteta za privlačenje investicija i olakšavanje ulaganja na kantonalnom nivou.

Posebna pažnja je posvećena razvoju turizma na Kantonu, te je u tom smislu donesen Zakon o ugostiteljskoj djelatnosti i osam podzakonskih akata, osmišljen i realizovan projekat „Turistička razglednica Tuzlanskog kantona. Sproveden je i postupak usklađivanja kantonalnih redova vožnje, te doneseni Pravilnici proizašli kao obaveza iz Zakona o cestovnom prijevozu.

U pogledu međunarodne i međuregionalne saradnje, Vlada je ostvarila značajne kontakte na institucionalnom, privrednom, kulturnom nivou sa regijama iz okruženja i to posebno treba izdvojiti županije iz Republike Hrvatske (Osječko-baranjska županija, Vukovarsko-srijemska županija, Šibensko-kninska županija), kao i saradnju sa Gradom Duren u Njemačkoj. U dijelu aktivnosti koje se vode na pristupanju Bosne i Hercegovine Evropskoj Uniji, imenovani su koordinatori za evropske integracije u Vladi Tuzlanskog kantona i potpisan Sporazum o Saradnji na poslovima evropskih integracija između Vlade Federacija BiH i Vlade Tuzlanskog kantona, s ciljem uspostavljanja vertikalnog mehanizma koordinacije. Tokom 2012. godine su također organizovane posjete ambasadora iz Evropskih i drugih zemalja Vladi Tuzlanskog kantona a jedna od najznačajnijih je posjeta šefa delegacije Evropske unije u BiH i specijalnog predstavnika EU Pitera Sorensena i 17 ambasadora zemalja članica Evropske unije, Mađarske, Francuske, Češke, Švedske, Austrije, Nizozemske, Italije, Slovačke, Španije, Slovenije, Njemačke, Bugarske, Belgije, Rumunije, Grčke, Velike Britanije EUFOR-a, akreditiranih u Bosni i Hercegovini.

**Imajući u vidu da je Vlada donijela odeden broj strateških dokumenata, programa i mjera kojima su precizno definisani ciljevi i zadaci, izdvajamo neke:**

- Program rada Vlade Tuzlanskog kantona za 2012. godinu
- Program rada i Finansijski plan Kantonalne agencije za privatizaciju
- Program mjera i aktivnosti za unapređenje stanja u prostoru Kantona za period 2012. - 2015. godine sa Izvještajem o stanju u prostoru na području Tuzlanskog Kantona za period 2008. – 2011. godina
- Program raspodjele sredstava sa pozicije – Nauka
- Elaborat o organizacionom umrežavanju ustanova osnovnog i srednjeg obrazovanja na području Tuzlanskog kantona – Utvrđen nacrt Elaborata
- Odluka o utvrđivanju uslova, kriterija i postupka za obavljanje pripravničkog staža branitelja i članova njihovih porodica
- Odluka o utvrđivanju Pozitivne liste lijekova Tuzlanskog kantona
- Program o rasporedu sredstava za dodjelu stipendija studentima i učenicima pripadnicima boračke populacije za školsku/studijsku 2011/2012. godinu
- Odluka o utvrđivanju kriterija, uslova i postupka za raspodjelu sredstava sa pozicije - Fond za kreditiranje
- Smjernice ekonomske i fiskalne politike za period 2013 - 2015. godine
- Pedagoški standardi i opći normativi za osnovne škole
- Pedagoški standardi i opći normativi za srednje škole
- Odluka o postupku i uvjetima za dodjelu jednokratne novčane pomoći općinama Tuzlanskog kantona za otklanjanje šteta nastalih od prirodnih i drugih nesreća
- Plan zaštite i spašavanja od prirodnih i drugih nesreća Tuzlanskog kantona
- Odluka o Listi lijekova koji se propisuju i izdaju na teret sredstava Zavoda zdravstvenog osiguranja Tuzlanskog kantona
- Odluka o utvrđivanju kriterija, uslova i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- Program o rasporedu sredstava stambenog zbrinjavanja boraca i članova njihovih porodica dodjelom bespovratnih novčanih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona za 2012. godinu
- Program o rasporedu sredstava za obavljanje pripravničkog staža boraca i članova njihovih porodica
- Program raspodjele sredstava sa pozicije - Fond za kreditiranje na nivou resornog ministarstva
- Odluka o pristupanju izradi Prostornog plana posebnih obilježja Slivnog područja jezera Modrac za period od 2012. - 2032. godine
- Prostorni plan posebnih obilježja Zaštićeni pejzaž „Konjuh“ za period od 2010. - 2030. godine
- Lista prioriteta deminiranja na području Tuzlanskog kantona za 2012. godinu
- Odluka o osnivanju lovišta na području Tuzlanskog kantona
- Program mjera za unapređenje stanja u prostoru Tuzlanskog kantona za period 2012 – 2015. godina
- Informacija o stanju obrta na području Tuzlanskog kantona u 2011. godini i pravcima razvoja obrta
- Informacija o stanju u malim i srednjim poduzećima na području Tuzlanskog kantona u 2011. godini sa prijedlogom smjernica rada u 2011. godini
- Prijedlog rang liste kandidovanih projekata sa područja Tuzlanskog kantona za izradu Programa javnih investicija u Federaciji BiH za period 2013- 2015. godine
- Informacija o proizvodnji slane vode kao osnove za razvoj hemijske industrije Tuzlanskog kantona
- Vodič za izradu i provedbu politike energetske učinkovitosti Tuzlanskog kantona
- Odluka o imenovanju Tima za implementaciju Akcionih planova SR/SSU (Strategije razvoja/Strategije socijalnog uključivanja)
- Inicijative za izmjene i dopune Zakona o posredovanju u zapošljavanju i socijalnoj sigurnosti nezaposlenih osoba
- Izveštaj o stanju kvaliteta voda Akumulacije Modrac i vodotoka u slivu akumulacije Modrac sa prijedlogom mjera za zaustavljanje trenda pogoršanja i prijedlogom mjera za poboljšanje postojećeg stanja
- Strategija zaštite Akumulacije „Modrac“
- Odluka o utvrđivanju programa za raspored sredstava Budžeta Tuzlanskog kantona sa pozicije 11010017– «Sredstva na Escrow računu“
- Program subvencionisanja redovne kamate na kredite privrednim društvima, preduzetnicima i nosiocima poljoprivrednih gazdinstava na području Tuzlanskog Kantona za 2012.godinu
- Procedura o postupku odobravanja i načinu subvencioniranje kamatne stope za kredite plasirane putem Garantnog fonda NERDA
- Akcioni plan za Tuzlanski kanton na realizaciji Strategije razvoja i Strategije socijalnog uključivanja BiH
- Odluka o provođenju Projekta unapređenje poslovnog ambijenta na Tuzlanskom kantonu s ciljem privlačenja novih investicija
- Rješenja o imenovanju članova radnih tijela za provođenje Projekta unapređenje poslovnog ambijenta na Tuzlanskom kantonu s ciljem privlačenja novih investicija
- Plana mjera za unapređenje i modernizaciju rada MUP-a Tuzlanskog kantona
- Okvirni Programa mjera za “nova i bolja radna mjesta”
- Preporuke obrazovne upisne politike na području TK.

**Pored toga Vlada je u 2012. godini predložila niz zakona, čije efekte očekujemo u narednom periodu, od kojih izdvajamo:**

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

- Zakon o javnom okupljanju
- Zakon o izmjenama i dopunama Zakona o inspekcijama
- Zakon o izmjenama i dopunama Zakona o osnivanju Javne ustanove Zavod za odgoj i obrazovanje osoba sa smetnjama u psihičkom i tjelesnom razvoju u Tuzli
- Zakon o izmjenama i dopunama Zakona o komunalnim djelatnostima
- Zakon o izmjenama i dopunama Zakona o unutrašnjim poslovima Tuzlanskog kantona
- Zakon o javno - privatnom partnerstvu
- Zakon o izmjenama i dopunama Zakona o visokom obrazovanju
- Zakon o osnivanju JU Centar za rehabilitaciju ovisnika o psihoaktivnim supstancama pod nazivom Zakon o preuzimanju dijela osnivačkih prava i obaveza nad Centrom za rehabilitaciju ovisnika o psihoaktivnim supstancama Smoluća
- Zakon o izmjenama i dopunama Zakona o sudskim taksama,
- Zakon o izmjenama i dopunama Zakona o sportu,
- Nacrt Zakona o izmjenama i dopunama Zakona o prostornom uređenju i građenju;
- Zakon o izmjenama i dopunama Zakona o porezu na promet nepokretnosti i prava;
- Zakon o izmjenama i dopunama Zakona o koncesijama

Neophodno je istaći da je Vlada i u 2012. godini razmatrala analize efekata ranijih ulaganja, s ciljem da uočene nedostatke i propuste, izbjegne u kreiranju budućih programa.

U cilju smanjenja troškova zakupa prostora za smještaj kantonalnih organa uprave, krajem 2012. godine je sa ZD Rudnik „Kreka“ Tuzla zaključen Ugovor o prenosu prava raspolaganja i drugih prava na poslovnoj zgradi na Ircu, a koji je po Odluci Vlade dodijeljen na korištenje Kantonalnoj upravi za inspeksijske poslove koji su do sada na godišnjem nivou na ime zakupa plaćali oko 270.000 KM.



## Oblast rada, socijalne politike i povratka

Polazeći od pokazatelja koje je Premijer Kantona iznio u svom ekspozeu prilikom inauguracije Vlade na Skupštini TK održanoj 10.2.2011. godine, koji ukazuju na vrlo teško ekonomsko – socijalno stanje i okruženje u kojim Vlada započinje svoj mandat, a imajući u vidu nadležnosti, programske aktivnosti ovog Ministarstva i postignute rezultate u svom dvogodišnjem mandatu, želimo iznijeti samo neke od značajnijih pokazatelja i postignutih rezultata u prethodne dvije godine.

### Odjeljenje rada i zapošljavanja, pravnih, općih i ekonomskih poslova

Do preuzimanja vlasti 2011. godine u Ministarstvu za rad, socijalnu politiku i povratak u oblasti rada i zapošljavanja nisu postojale nikakve aktivnosti obzirom da čak nije ni sistematizacijom predviđeno radno mjesto Pomoćnika za tu oblast, te nije bilo popunjeno. Programske aktivnosti nakon popune sistematizacije su počele vidno napredovati. U okviru svojih zakonskih nadležnosti Ministarstvo je u saradnji sa Službom za zapošljavanje, općinama u Tuzlanskom kantonu, drugim ministarstvima u Vladi, Privrednom komorom TK, javnim ustanovama i preduzećima, razvijalo određenu saradnju koja je rezultirala vrlo značajnim i vidnim pokazateljima. Ti rezultati se ogledaju prvenstveno u činjenici da na prostoru Tuzlanskog kantona za ovaj vremenski period **nije došlo do pada broja zaposlenih**. To ilustruju sljedeći pokazatelji Federalnog zavoda za statistiku: 2010. godine broj zaposlenih u oktobru mjesecu je iznosio **81.419** lica, u oktobru mjesecu 2011. godine broj zaposlenih je iznosi **83.784** lica. Pokazatelji govore da je došlo do povećanja broja zaposlenih za **2.365** lica. U toku 2012. godine Porezna uprava FBiH je preuzela u potpunosti sve nadležnosti u vezi i oko prijave i odjave zaposlenih osiguranika u F BiH. Prema podacima Porezne uprave FBiH na **dan 13.12.2012.** na prostoru Tuzlanskog kantona bilo je zaposleno **86.204** lica, a na dan 22.01.2013. godine bilo je zaposleno **85.241** lice. Dakle, u januaru 2013.godine je došlo do blagog pada zaposlenih, najvećim dijelom zbog prestanka sezonskih (građevinskih) poslova. U februaru mjesecu 2013. godine ponovo se bilježi blagi rast broja zaposlenih. **Na dan 14.2.2013. godine registrovana su 85.532 zaposlena lica a na dan 28.2.2013. registrovano je 85.839 zaposlenih lica.** Kada je u pitanju formalna nezaposlenost koja se razlikuje od stvarne, praktično od 2009. godine prosječan broj rasta nezaposlenih je **oko 3000, što odgovara približno broju lica koja na godišnjem nivou nakon završetka školovanja stiču određena zvanja i prijavljuju se na evidenciju. Iz iznesenih pokazatelja se sa sigurnošću može tvrditi da je u mandatu ove Vlade sačuvan broj radnih mjesta**, iako se baš u ovom periodu recesija ponajviše manifestovala, ne samo u BiH nego i u okruženju. Sa rezervom se može konstatovati (zbog nepostojanja pokazatelja FPU do 2012. godine) **da se broj zaposlenih lica povećao za period od dvije godine u ukupnom broju od 4.420 lica**, dok je broj nezaposlenih povećan **za 6.252 lica**. U okviru realizovanih mjera zapošljavanja u proteklom periodu a u saradnji sa Službom za zapošljavanje TK praćena je realizacija aktivnih mjera za zapošljavanje i to kako slijedi:

- Program zapošljavanja i samozapošljavanja žena – zaposleno **114** osoba, utrošeno **669.000,00 KM**
- Program sufinansiranja i zapošljavanja mladih osoba bez radnog iskustva“ 400+ „- zaposleno **67** osoba, utrošeno **536.700,00 KM**
- Program sufinansiranja samozapošljavanja mladih osoba „Mladi poduzetnik“ – zaposleno **13** osoba, utrošeno **91.000,00 KM**
- Program zapošljavanja osoba sa invaliditetom i drugih teže zapošljivih grupa nezaposlenih osoba – zaposleno **44** osobe, utrošeno **369.600,00 KM**
- Program obuke prekvalifikacije i dokvalifikacije - u realizaciji učestvovalo **257** osoba, utrošeno **57.000,00 KM**

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- Program sufinansiranja zapošljavanja i samozapošljavanja Roma – zaposleno **11** osoba, utrošeno **54.000 KM**, u toku je realizacija Projekta u vrijednosti dodatnih **50.000,00 KM**
- Projekat podrške mjerama socijalne sigurnosti i zapošljavanja „SSNESP“ – zaposleno **340** osoba, utrošeno **756.670,00 KM**
- Program mjera za socijalno zbrinjavanje uposlenika koji su u procesu stečaja, likvidacije, restrukturiranja i privatizacije preduzeća, ostali bez posla. Program realizovan u saradnji sa Ministarstvom industrije, energetike i rudarstva i ovim ministarstvom – penzionisano **110** osoba, utrošeno **1.460.662,19 KM**. U 2012. godini Vlada je usvojila program mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali i ostaju bez posla za **78** uposlenika u šest privrednih društava u kojima u strukturi kapitala učešće državnog kapitala iznosi 51 % i više za šta je izdvojila sa ESCROW računa iznos od **cca 1.200.000, 00 KM**
- Istraživanja tržišta rada – provedeno u decembru 2011. – januar 2012. godine, obuhvaćeno **426** poslodavaca.
- Ferijalni rad bosansko hercegovačkih studenata u Saveznoj republici Njemačkoj – iz TK učestvovalo **27** studenata
- Profesionalna orijentacija; provedena u 35 osnovnih škola čime je **obuhvaćeno 2.125** učenika i 13 srednjih škola čime je **obuhvaćeno 945** učenika
- Program zapošljavanja mladih u BiH YEP – **260** osoba prošlo obuku od kojih se **66** zaposlilo
- Program zapošljavanja i zadržavanja mladih u BiH u okviru programa otvaranja Centra za informisanje i savjetovanje – evidentiran broj korisnika **2.761** od kojih je **197** osoba našlo zaposlenje a **134** osobe su zaključile ugovor o volontiranju.
- Program sufinansiranja obavljanja pripravničkog staža boraca i članova njihovih porodica – u realizaciju uključeno 80 poslodavaca, zaključen ugovor za **150** osoba. Program pokrenulo Ministarstvo za boračka pitanja u Vladi TK.
- Program sufinansiranja „Prilika za sve “ – **zaposlena 321 osoba, kod 58 poslodavaca, obezbjeđeno 896.265,40 KM**
- Program sufinansiranja samozapošljavanja mladih osoba „Omladinsko poduzetništvo“, zaposleno **27** osoba, utrošeno **189.000,00 KM**.
- Program jačanja konkurentnosti na tržištu rada – prvo radno iskustvo – zaposleno **99** osoba sa VSS, **99** osoba sa SSS, utrošeno **91.080,00 KM**
- Sajam zapošljavanja – nakon 6 mjeseci izvršena provjera kod poslodavaca a na osnovu popunjenih zatjeva za traženje posla, **455** osoba je kod **32** poslodavca dobilo posao.
- Program odrađivanja pripravničkog staža za osobe sa VSS – ukupan broj uključen u ovaj **projekat 989** osoba, utrošena sredstva u iznosu **2.911.142 KM** od toga iz Budžeta TK **908.303 KM**.

Imajući u vidu sadašnji zakonski model zdravstvene zaštite u FBiH koji fiktivno povećava broj lica prijavljenih na evidenciju Službe za zapošljavanje, Vlada je uputila zvaničnu inicijativu prema Vladi FBiH za izmjene i dopune Zakona o zdravstvenom osiguranju u FBiH sa namjerom da se zdravstvena zaštita izmjesti iz ove ustanove kako bi kvalitetnije obavljala posao predviđen Zakonom o posredovanju u zapošljavanju i socijalnoj sigurnosti neosiguranih lica u FBiH, i na taj način obezbjeđivala evidenciju aktivnih tražilaca posla. Zašto ne reći na kraju da je neadekvatna, neprecizna i nepotpuna zakonska regulativa iz oblasti radnih odnosa jedan od generatora konstantnog razilaženja stvarne i formalne slike o stanju nezaposlenosti u Tuzlanskom kantonu zbog prisutnosti rada „na crno“. Ovaj Zakon je u proceduri izmjena i dopuna na Federalnom nivou.

## **Odjeljenje socijalne zaštite, zaštite civilnih žrtava rata i zaštite porodica sa djecom**

Pored svakodnevnih aktivnosti zaposlenika koji su utvrđeni opisom poslova i radnih zadataka, predviđeni Pravilnikom o unutrašnjoj organizaciji ministarstva, odjeljenje je radilo na realizaciji prava utvrđenih Zakonom o socijalnoj zaštiti, zaštiti civilnih žrtava rata i zaštiti porodice sa djecom, te vršilo kontinuiran posredan i neposredan stručni nadzor i kontrolu nad procesom uspostave prava i uopće rada ustanova i organizacija socijalne zaštite. Ministarstvo opservira sljedeće oblike socijalne zaštite:

- Stalna novčana pomoć; **za 3118** lica za šta se na godišnjem nivou izdvoji iznos od cca **5.100.000,00 KM**
- Pomoć i njegu od strane drugog lica; za **308** korisnika; iznos sredstava na godišnjem nivou cca **293.000,00 KM**
- Jednokratne novčane pomoći za cca **5300** korisnika; u ukupnom iznosu cca **600.000,00 KM**
- Smještaj u drugu porodicu; **49** odraslih osoba, **187** djece, za šta se izdvaja cca **213.000,00 KM**
- Smještaj odraslih lica u ustanove socijalne zaštite za **ukupno 524 lica** izdvaja se cca **2.600.000,00 KM**
- Za rad Doma za djecu bez roditeljskog staranja u kome se trenutno nalazi 79 djece izdvaja se cca **1.000.000 KM**
- Smještaj djece u dječija sela, za **58 izdvaja se cca 237.000,00 KM**
- Naknada civilnim žrtava rata za **1552 korisnika** izdvaja se cca **5.337.000,00 KM**, od toga iz Budžeta TK 1.603.000 KM, a ostatak od 3.734.000 KM iz Budžeta FBiH
- Pravo na zdravstveno osiguranje; ostvaruje **7.368 osiguranih** lica, za šta se izdvaja cca **990.000,00 KM**
- Pravo na pomoć na ime troškova dženaza – sahrana – pokopa; prosječno se utroši cca **95.000,00 KM**
- Zaštita porodice sa djecom:
  - Dječiji doplatka; cca **21.600** korisnika, za šta se izdvaja **7.000.000,00 KM**
  - Refundacija naknada umjesto plaće majci porodilji odnosno drugom licu u radnom odnosu za vrijeme dok odsustvuje sa posla, radi trudnoće, porođaja i njege djeteta; cca **3000** korisnika, za šta se **izdvaja 8.000.000,00 KM**
- Subvencioniranje troškova prijevoza učenika i studenata; **850** korisnika, iznos sredstava **650.000,00 KM**

U periodu od posljednje dvije godine, treba istaći značajnim sljedeće:

- Za razliku od ranijeg perioda u kontinuitetu se obezbjeđuju sredstva za isplatu dječijeg doplatka, za djecu koja su iz porodica, gdje prihod po članu domaćinstva na mjesečnom nivou, ne prelazi 7% od prosječne plate u TK.
- Izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodica sa djecom (Službene novine broj 17/11) po prvi puta u socijalna prava su uvedena lica, povratnici u Republiku Srpsku koja su se vratila nakon 31.12. 2011 godine, što predstavlja značajan doprinos reintegraciji BiH.
- U punom kapacitetu su ostvarena prava na socijalnu zaštitu licima koja nisu osigurana po drugom osnovu, a pripadaju kategoriji lica starijih od 65 godina odnosno djeci od rođenja do navršene 15 godine života i starijim maloljetnicima do 18 godine života.

## Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- Provedena je procedura i u saradnji sa IZ BiH oko transformacije Udruženja CROPS koje je transformisano u Javnu ustanovu od kantonalnog značaja i od strane Skupštine donešen je Zakon o preuzimanju dijela osnivačkih prava i obaveza nad Centrom za rehabilitaciju ovisnika o psihoaktivnim supstancama.
- Urađen je i od strane Vlade i Skupštine TK usvojen Elaborat o društvenoj opravdanosti izgradnje Centra za autizam , nakon čega je potpisan Memorandum o razumjevanju između Ministarstva , Općine Tuzla i Hilswerk organizacije oko početka izgradnje Centra.
- Uspostavljena je saradnja sa nevladinim organizacijama i urađena Analiza partnerstva sa ciljem pružanja van institucionalnih usluga socijalnog rada
- Realizovan projekat „Inicijalna procjena situacije djece bez roditeljskog staranja smještene u JU“ Dom za djecu bez roditeljskog staranja“ Tuzla i njihovih porodica.
- Urađene su pripreme za realizaciju Projekta „Transformacija JU Dom za djecu bez roditeljskog staranja“
- Urađen je prijedlog Akcionog plana za provedbu politike zaštite djece bez roditeljskog staranja i porodica pod rizikom odvajanja za Tuzlanski kanton za period 2013. – 2014. godina
- Uveden je novi sistem monitoringa analize izvještaja po programima raspodjele sredstava
- Doneseni su pravilnici, uputstva i instrukcije:
  - Pravilnik o načinu i postupku ostvarivanja prava na naknadu umjesto plaće ženi – majci, odnosno drugom licu u radnom odnosu za vrijeme odsustvovanja s posla radi trudnoće, porođaja odnosno njege djeteta;
  - Pravilnik o sadržaju i načinu provođenja nadzora nad zakonitošću rada, opštih akata i stručnog rada ustanova, privrednih društava, zaštitnih radionica i radnog centra;
  - Uputstvo o načinu uspostavljanja i ostvarivanja prava na dječiji dodatak i uvećani dječiji dodatak
  - Instrukcija o načinu utvrđivanja prava i visine jednokratne novčane pomoći za lica i porodice
  - Instrukcija o postupku i načinu uspostave prava na smještaj u ustanove socijalne zaštite za odrasla lica
  - Instrukcija o uspostavljanju prava i načinu pravdanja sredstava za subvenciju prijevoza djece, učenika i studenata.
- Urađena je Analiza stanja lica sa invaliditetom i nivo ostvarenih prava na osnovu federalnih i kantonalnih propisa sa prijedlogom mjera
- Urađena je i od strane Skupštine podržana analiza stanja u oblasti socijalne zaštite sa prijedlogom mjera i unaprijeđenje socijalnog stanja građana u Tuzlanskom kantonu
- Urađena je i od strane Vlade i Skupštine usvojena Analiza stanja u Centrima za socijalni rad sa posebnim osvrtom na prostorne, kadrovske i materijalno – tehničke uslove rada. Izvršen je stručni nadzor u svim Centrima za socijalni rad u općinama, kao i nadzor u svim ustanovama za čiji stručni rad je nadležno ovo ministarstvo.

Gore nabrojane aktivnosti su polučile značajne rezultate na unaprijeđenju socijalne i dječije zaštite, pojačale odgovornost u relizaciji zakonskih propisa te neke od njih doprinijele pravičnijoj raspodjeli raspoloživih sredstava.

### **Odjeljenje za zbrinjavanje prognanih osoba i izbjeglica, povratak i repatrijacija**

Ovo odjeljenje je pripojeno Ministarstvu u drugoj polovici 2011. godine. Za ovu priliku smatramo značajno istaći sljedeće pokazatelje:

- Izmjenjene su procedure (programi, pravilnici i kriteriji) za dodjelu finansijskih sredstava, za svaku od budžetskih pozicija

Rezultati i efekti svega toga se ogledaju u sljedećem:

## Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- Uvođenjem novih procedura za nabavku građevinskog materijala izbjegnuta je mogućnost preferencijalnog izbora dobavljača građevinskog materijala, čija se vrijednost u ranijem periodu mjerila u milionskom iznosu.
- Uvedena je procedura obligacionog odnosa i potpisivanje ugovora sa aplikantima koji ispunjavaju uslove za dodjelu finansijskih sredstava. (nabavka građevinskog materijala, održivi povratak, subvencija ogrijeva za zimu)
- Urađena je Analiza stanja u kolektivnim centrima sa prijedlogom mjera za poboljšanje uslova života u istim
- Uvedena je pozicija programa raspodjele sredstava za zapošljavanje povratnika uz obezbjeđenje bankovne garancije
- Urađena je Analiza efekata ulaganja u povratak za period 2005. – 2011. godina, sa posebnim osvrtom na 2011. godinu, koja je prihvaćena od strane Vlade i Skupštine TK
- Ministarstvo je pokrenulo procedure utuženja korisnika prava koji su nenamjenski utrošili dodijeljena finansijska sredstva (14) i aktiviralo dvije bankovne garancije za preduzeća koja nisu u skladu sa ugovorom izvršila zapošljavanje povratnika
- Ministarstvo je pokrenulo postupak utuženja za DOO „Kalesija promet“ zbog prekoračenja roka isporuke građevinskog materijala za korisnike prava u 2011. godinu
- Ministarstvo je uspjelo u saradnji sa Općinom Kalesija nakon 17 godina od nastanka problema pristupnog puta pravoslavnom groblju u Gojčinu, isti razriješiti i u tu svrhu je izdvojilo 8.000 KM po zahtjevu Općine Kalesija
- U potpunosti su realizovani svi programi zdravstvene zaštite i subvencije sredstava za raseljene osobe u kolektivnim centrima, kućama Holandske Vlade i privatnom smještaju za nabavku ogrijeva i troškove električne energije.
- Ministarstvo je realizovalo Projekat održivog povratka u jednom broju opština/općina Sjevero - istočne Bosne sa organizacijom HILSWERK Austrija i na taj način obezbijedilo dodatnih 100.000,00 KM za povratnike u ovim opštinama/općinama.

### Zaključna razmatranja

U protekle dvije godine ovo Ministarstvo je postiglo značajne i u poređenju sa ranijim periodom izuzetno dobre rezultate u svom radu. Iako se radilo u složenim ekonomskim uslovima, Vlada TK je iskazala zavidan nivo socijalne osjetljivosti, podržavajući sve projekte koje je iniciralo ovo ministarstvo. Značajno je istaći da u posmatranom periodu nije došlo do pada broja zaposlenih, što znači da su sačuvana sva radna mjesta i čak moglo bi se reći da je prema raspoloživim podacima došlo do blagog povećanja broja zaposlenih na prostoru Tuzlanskog kantona. Zahvaljujući, između ostalog, reaktiviranju rada Ekonomsko – socijalnog vijeća u čijem radu sudjeluju predstavnici Poslodavaca, Samostalnog sindikata TK i Vlade, uz sve mjere koje je donosila Vlada, uspjelo se očuvati stabilnim socijalni mir na području TK. Posebno je značajnim istaći napore oko obezbjeđenja isplate osnovnih oblika socijalne zaštite, među kojim su: stalna novčana pomoć, pravo na zdravstvenu zaštitu, smještaj u ustanove kao i pravo na dječiji doplatok, te prava koja ostvaruju povratnici, prognana i raseljena lica u Tuzlanskom kantonu. U ministarstvu je urađen novi Pravilnik o unutrašnjoj organizaciji Ministarstva i na taj način izvršena racionalizacija radnih mjesta. Preraspodjelom poslova i radnih zadataka ukinuta su dva radna mjesta državnih službenika i jedno mjesto namještenika. Troškovi reprezentacije Ministra u odnosu na prethodni mandatni period smanjeni su za preko 90 %. U Ministarstvu su uvedene maksimalne mjere štednje. Nema službenih putovanja, nema plaćanja prekovremenog rada, nema bespotrebne upotrebe službenih automobila i slično.

## **Oblast industrije, energetike i rudarstva**

Ministarstvo industrije, energetike i rudarstva je svoje programske aktivnosti u 2012. godini obavljalo u skladu sa utvrđenim strateškim ciljevima.

### **U okviru strateškog cilja – stvaranje uslova za razvoj industrijskih subjekata u nadležnosti Ministarstva industrije, energetike i rudarstva urađeno je slijedeće:**

- Okončane su aktivnosti na uvezivanju radnog staža za zaposlenike koji su stekli uvjete za penzionisanje u privrednim društvima sa većinskim državnim kapitalom i u okviru navedenih aktivnosti zbrinuto je 203 radnika, na način da je u 2011. godini zbrinuto 203 zaposlenika od čega u 2011. godini – 145 i u 2012. godini 58 zaposlenika.
- Aktivnostima Ministarstva zadržana su postojeća radna mjesta u privrednim društvima sa većinskim državnim kapitalom i zaposleno 75 novih radnika.
- U cilju sprečavanja uvođenja stečaja u D.O.O. “Livnica čelika” Tuzla, D.D. “KHK” Lukavac i D.D. “TTU” Tuzla, postignuti su i potpisani sporazumi o odgođenom izmirenju obaveza.
- U velikom procentu realizovan je program mogućnosti ekonomsko-finansijske rekonstrukcije Fabrike obuće “Aida” D.D. Tuzla.
- Sačinjena Fizibility studija “Nova livnica čelika” i vođene aktivnosti oko izbora strateškog partnera.
- U saradnji sa Vladom Tuzlanskog kantona, Vladom Federacije BiH i resornim ministarstvima, vođena aktivnost na ublažavanju otežanog poslovanja u D.D. “Global Ispat Koksna industrija” Lukavac.
- Rudniku soli “Tuzla” d.d. Tuzla, iz sredstava po osnovu koncesionih naknada, pomoglo se na sufinansiranju izgradnje istražno-eksploatacione bušotine, u cilju kontinuirane i povećane proizvodnje slane vode kojom se snabdijeva hemijska industrije na području Tuzlanskog kantona.
- U cilju privatizacije privrednog društva “Rudnika nemetala Kladanj”, obavljene su sve prethodne aktivnosti na obezbjeđenju jame. Nakon okončanja tih aktivnosti, Vlada je donijela odluku o prodaji državnog kapitala Rudnika nemetala “Kladanj”, aktivnosti na privatizaciji su u toku.
- Vođena je intenzivna aktivnost sa sindikatom, vlasnikom kapitala i strateškim partnerom u cilju prevazilaženja jako složenog i teškog stanja u D.O.O. “Dita” Tuzla, te je zalaganjem Ministarstva i Vlade, ponovo uposleno 150 radnika kojima su prijetili otkazi ugovora o radu.
- Obezbijeđena zdravstvena zaštita za zaposlenike privrednim društvima sa većinskim državnim kapitalom kao pomoć svim onim privrednim društvima koja zbog otežanog poslovanja nisu u stanju da obezbjede zdravstvenu zaštitu. Izmjenom Odluke o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje, ova kategorija privrednih društava je stekla pravo plaćanja zdravstvene zaštite po povlaštenoj stopi.
- Vođene su intenzivne aktivnosti sa privrednim društvima i Sindikatom na formiranju Konzorcija iz sektora metalurgije u okviru kojeg su u 2011 i 2012 godini, kontinuirano obavljane aktivnosti na poboljšanju stanja u ovoj oblasti.

### **U okviru strateškog cilja – efikasno upravljanje i kontrola eksploatacije prirodnih bogatstava urađeno je slijedeće:**

- Sa Općinom Tuzla i Rudnikom soli “Tuzla”, intenzivno su vođene aktivnosti na saniranju posljedica slijeganja zemljišta u gradu Tuzla uslijed nekontrolisane eksploatacije slane vode, i

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

u cilju trajnog rješavanja ove problematike koja se dugi niz godina nije rješavala, radi se na donošenju zakona.

- Donesena tri podzakonska propisa iz oblasti rudarstva i geoloških istraživanja na području Tuzlanskog kantona,
- U periodu 2011. – 2012. godina, zaključeno šest ugovora o koncesijama, ukupno je zaključeno petnaest ugovora.
- Po zahtjevima privrednih subjekata, Ministarstvo je donijelo dva rješenja za dozvolu eksploatacije i geoloških istraživanja
- Vođen upravni nadzor nad sprovođenjem Zakona iz oblasti rudarstva i geoloških istraživanja.

**U okviru strateškog cilja – korištenje obnovljivih izvora energije urađeno je slijedeće:**

- Realizovana su istraživanja i data pomoć privrednim društvima vezano za korištenje obnovljivih izvora energije.
- Realizovan program uštede električne energije na Rudniku soli “Tuzla” d.d Tuzla.
- Obavljena promocija korištenja obnovljivih izvora energije u okviru 2. “Međunarodnog sajma energetike – energije, industrije i rudarstva” i na istom održana naučna konferencija “Energia 2012”

**U okviru normativne djelatnosti doneseni su:**

- Zakon o rudarstva Tuzlanskog kantona.
- Zakon o geološkim istraživanjima Tuzlanskog kantona,
- Zakon o izmjenama i dopunama Zakona o koncesijama

Krajem 2012 godine započete su aktivnosti na donošenju izmjena i dopuna Zakona o koncesijama i isti je donesen početkom 2013 godine.

**U okviru analitičko-informativne djelatnosti prema Vladi i Skupštini Kantona upućeno je slijedeće:**

- Informacija o prihodima i stepenu naplate po Ugovorima o koncesiji iz nadležnosti industrije, energetike i rudarstva.
- Program raspodjele sredstava sa budžetske pozicije “Intervencije javnim preduzećima i privrednim društvima”.
- Informacija o radu Nadzornih odbora u privrednim društvima u kojima prava i obaveze vlasnika po osnovu državnog kapitala vrši Vlada Kantona za 2011. godinu.
- Informacija o ostvarenim rezultatima poslovanja privrednih društava za period I-XII 2011. godine iz oblasti industrije, energetike i rudarstva Tuzlanskog kantona.
- Informacija o stanju sigurnosti u Rudnicima uglja na području Tuzlanskog kantona.
- Informacija o ostvarenim rezultatima poslovanja privrednih društava za period I-VI 2012. godine iz oblasti industrije, energetike i rudarstva Tuzlanskog kantona.
- Informacija o pripremi za privatizaciju privrednih društava sa većinskim državnim kapitalom iz resorne nadležnosti.
- Informacija o utrošku sredstava sa budžetske pozicije “Intervencije javnim preduzećima i privrednim društvima”.
- Informacija o proizvodnji slane vode kao osnove za razvoj hemijske industrije Tuzlanskog kantona.

## Oblast zdravstvene zaštite

- Programom rada Vlade u 2012.godini u oblasti zdravstva planirano je da se osiguraju uslovi, da svi građani i osigurana lica na području Tuzlanskog kantona mogu ostvariti pravo na zdravstvenu zaštitu i ostvariti najviši mogući nivo zdravlja kroz sistem zdravstvene zaštite.
- Vođene su aktivnosti u pravcu osiguranja mjera na uređenju i vođenju zdravstvene politike i provođenju reforme iz oblasti zdravstva od interesa za područje Kantona. Aktivnosti su usmjerene na stvaranju uvjeta za pristupačnost i ujednačenost korištenja primarne i sekundarne zdravstvene zaštite, na reorganizaciji rada zdravstvenih ustanova, uspostavljanje sistema poboljšanja kvaliteta i sigurnosti zdravstvene zaštite, praćenju zdravstvenog stanja stanovništva i rada zdravstvenih ustanova na području Kantona, kao i staranje o provođenju utvrđenih prioriteta u zdravstvenoj zaštiti.
- Ministarstvo je u toku 2012. godine realizovalo sve planske i programske aktivnosti koje su planirane Programom rada Vlade Tuzlanskog kantona za 2012.godinu.
- Kao prioritetan cilj u 2012. godini planirana je koordinacija aktivnosti na izradi i realizaciji programa restrukturiranja i finansijske samoodrživosti JZU UKC Tuzla što će se realizovati kroz: donošenje Izmjena i dopuna Statuta JZU UKC Tuzla, donošenje Pravilnika o unutrašnjoj organizaciji i sistematizaciji radnih mjesta i donošenje srednjoročnog Programa mjera za sanaciju akumuliranog negativnog finansijskog rezultata i uravnoteženo poslovanje.
- Vlada Tuzlanskog kantona i Ministarstvo zdravstva su u saradnji sa Upravnim odborom i Direktorom JZU UKC Tuzla realizovali sve navedene aktivnosti, što je prema podacima iz Izvještaja o radu i poslovanju JZU UKC Tuzla za 2012.godinu rezultiralo značajnim smanjenjem gubitka u 2012.godini u odnosu na ranije izvještajne periode.  
Planom i programom mjera za unapređenje zdravstvene zaštite iz obaveznog zdravstvenog osiguranja za područje Tuzlanskog kantona za 2012 i 2013. godinu, Ministarstvo zdravstva je utvrdilo posebne mjere za unapređenje određenih zdravstvenih djelatnosti koje se pružaju u JZU UKC Tuzla, te izvršilo prilagođavanje standarda i normativa zdravstvene zaštite, što je za rezultat imalo kvalitetniju zdravstvenu uslugu za pacijenta i finansijsku održivost ustanove. U cilju daljeg razvoja UKC-a data je podrška daljem razvoju transplant programu a kao najsofisticiranijem programu u zdravstvu općenito. Ovim se UKC stavlja u vrh bosansko-hercegovačkog zdravstva, čime se stvaraju preduslovi za liderstvo i dobivanje statusa referalnog centra u BiH.
- Pokrenute su inicijative i razgovori putem Federalnog ministarstva zdravstva za reorganizaciju i usklađivanje bolničkih zdravstvenih ustanova na području Federacije BiH/Tuzlanskog kantona, što podrazumijeva i preuzimanje osnivačkih prava u skladu sa Zakonom o zdravstvenoj zaštiti.
- Formiran je Tim za verifikaciju timova porodične /obiteljske medicine na Tuzlanskom kantonu sa zadatkom da utvrdi ispunjenost uslova za dodjelu ugovora za svaki tim pojedinačno. Provođenje monitoringa i evaluacije rada uspostavljenog sistema porodične medicine na cijelom području Tuzlanskog kantona kao i ocjena i priznavanje timova porodične medicine vršena je u skladu sa Instrukcijom o ispunjavanju osnovnih uvjeta za priznavanje porodične medicine i Uputstvom za provedbu Instrukcije o ispunjavanju



Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

osnovnih uvjeta za priznavanje porodične medicine. Verificirano je 228 timova porodične medicine sa jasnim zadacima za unapređenje rada timova u roku od šest mjeseci, kada će biti slijedeća verifikacija.

- U cilju unapređenja konsultativno - specijalističke djelatnosti u toku 2011., 2012. i planom za 2013. godinu uspostavljen je novi način organizacije i funkcionisanja konsultativno - specijalističke djelatnosti u skladu sa Instrukcijom o načinu organizovanja i finansiranja konsultativno – specijalističke djelatnosti na području Tuzlanskog kantona. Osiguranim licima omogućena je dostupnost u ostvarivanju prava iz konsultativno – specijalističke djelatnosti kroz direktno ugovaranje zdravstvenih usluga između Zavoda i zdravstvenih ustanova, a pod nadzorom JZU UKC Tuzla.
- Ministarstvo zdravstva je donijelo Plan i program mjera za unapređenje zdravstvene zaštite iz obaveznog zdravstvenog osiguranja za područje Tuzlanskog kantona za 2012. i 2013. godinu na prijedlog Zavoda za javno zdravstvo TK. Utvrđeni su Programi zdravstvene zaštite o pružanju zdravstvenih usluga iz obaveznog zdravstvenog osiguranja za 2013. godinu na području TK.
- Pokrenuti su početni programi rane dijagnostike za vodeće maligne bolesti na Tuzlanskom kantonu: karcinoma dojke, grlića maternice i kolorektalnog karcinoma, za što su obezbijedena sredstva u Finansijskom planu ZZO TK za 2012. godinu.
- Utvrđen je poseban paket mjera za djecu koji sadrži: posebne programe zdravstvene zaštite, specijalnu hranu kao lijek, aparate za inzulino terapiju i lijekove za određeni broj rijetkih bolesti.
- Vlada je na prijedlog Ministarstva zdravstva na sjednici održanoj 03.02.2012. godine donijela Odluku o listi lijekova koji se izdaju na teret sredstava Zavoda zdravstvenog osiguranja Tuzlanskog kantona, koja sadrži generičku listu lijekova sa usaglašenim cijenama lijekova. Ministarstvo zdravstva je provelo postupak izrade Pozitivne liste lijekova u skladu sa općim i posebnim kriterijima za uvrštavanje lijekova na pozitivnu listu lijekova koji su utvrđeni tačkom VIII Federalne odluke, u cilju da se na pozitivnoj listi lijekova osiguranim licima obezbijede kontrolisani i sigurni lijekovi, što je od vitalnog značaja za život i zdravlje pacijenata. Vlada je na prijedlog Ministarstva u 2012. godini donijela:
  - Odluku o Pozitivnoj listi lijekova Tuzlanskog kantona, koja se primjenjuje od 16.07.2012. godine, a sadržavala je **558** zaštićenih naziva lijekova.
  - Odluku o izmjenama i dopunama Pozitivne liste lijekova Tuzlanskog kantona, koja se primjenjuje od 08.09.2012. godine, a sadržavala je **731** zaštićeni naziv lijeka.
  - Odluku o izmjenama i dopunama Pozitivne liste lijekova Tuzlanskog kantona, koja se primjenjuje od 09.11.2012. godine, a sadrži ukupno **780** zaštićenih naziva lijekova.

Rashodi za lijekove sa Liste lijekova u 2012. godini ostvareni su u iznosu od 37.863.086 KM, što je 99,05% u odnosu na planirane a za 1,96% više u odnosu na ostvarene u 2011. godini i čine 97,75% ukupnih rashoda za lijekove.

Ukupni rashodi za lijekove u 2012. godini ostvareni su u iznosu 38.732.987 KM, što je 98,80% u odnosu na planirane u skladu sa Finansijskim planom Zavoda zdravstvenog osiguranja Tuzlanskog kantona za 2012. godinu a za 2,55% više u odnosu na ostvarene u 2011. godine.

Prosječna potrošnja lijekova po osiguranom licu iznosi 86,81 KM što je za 0,82% ili 0,71 KM više u odnosu na ostvarene u 2011. godini, dok prosječna potrošnja lijekova po stanovniku iznosi 77,61 KM.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- Aktiviran je proces edukacije za medicinsko i nemedicinsko osoblje iz kardiopulmonalne reanimacije po Programu koji je donijelo Ministarstvo zdravstva, kao vid obavezne edukacije koja se provodi u Kantonalnom edukativnom centru Hitne medicinske pomoći. Za ljekare lidere timova HMP vrši se i edukacija iz dodatnih postupaka kardiopulmonalne reanimacije. Pripremljen je prijedlog plana specijalizacija i subspecijalizacija zdravstvenih radnika za područje Tuzlanskog kantona, koji je odobrilo Federalno ministarstvo zdravstva.
- U saradnji sa Federalnim Ministarstvom zdravstva u okviru Projekta jačanja zdravstvenog sektora u 2012. godini, IV faza, završena je rekonstrukcija i opremanje 13 ambulanti porodične medicine na području Tuzlanskog kantona.
- Pokrenute su aktivnosti na informatizaciji zdravstvenog sistema Tuzlanskog kantona i započeta izrada Akcionog plana informatizacije.
- U 2011. godini provedene su sve aktivnosti u okviru mjera Federalnog ministarstva zdravstva, a u cilju reforme porodične medicine. Doneseni su provedbeni propisi:
  1. Instrukcija o načinu organizovanja i finansiranja specijalističko-konsultativne djelatnosti na području Tuzlanskog kantona,
  2. Instrukcija o ispunjavanju osnovnih uvjeta za priznavanje porodične medicine,
  3. Uputstvo za provedbu Instrukcija o ispunjavanju osnovnih uvjeta za priznavanje porodične medicine,
  4. Odluka o uslovima i načinu propisivanja lijekova za hronične bolesti-tromjesečni recept
- Donesen je Plan i program mjera za unapređenje zdravstvene zaštite iz obaveznog zdravstvenog osiguranja za područje Tuzlanskog kantona za 2012. godinu.
- Završen je proces registracije osiguranih lica koji omogućava ostvarivanje prava osiguranih lica na slobodan izbor doktora primarne zdravstvene zaštite za 2012. godinu. Na dan 31.12.2011. godine izbor porodičnog/obiteljskog doktora je izvršilo 329.104 osiguranih odnosno 74,12% od ukupnog broja osiguranih lica.
- U 2011. godini u okviru III faze projekta HSEP na području Tuzlanskog kantona završena je rekonstrukcija i opremanje 19 ambulanti porodične medicine.

Zdravstveni sistem Tuzlanskog kantona je dobro razvijen i stabilan. Kao takav je od izuzetnog značaja za život, očuvanje i unapređenje zdravlja, što je interes svakog društva.

## Oblast prostornog uređenja i zaštite okolice

Ministarstvo prostornog uređenja i zaštite okolice je, u periodu od preuzimanja mandata sadašnjeg ministra do danas, realizovalo sve aktivnosti utvrđene Programom rada Skupštine i Vlade, te Programom rada Ministarstva, a pored utvrđenih iniciralo je i realizovalo nekoliko novih aktivnosti.

### **Od planiranih programskih aktivnosti smatramo značajnim spomenuti slijedeće:**

Završena je prva faza izrade Prostornog plana područja posebnih obilježja „Zaštićeni pejzaž Konjuh“: Prostorna osnova plana sa ciljevima i osnovnom koncepcijom. Provedena je javna rasprava, ista je prezentirana Vladi i Skupštini Tuzlanskog kantona, te je od strane Skupštine i usvojena oktobra 2012. godine. Završen je prednacrt i nacrt navedenog prostornog plana – II faza, prezentiran nacrt na Vladi i Skupštini Tuzlanskog kantona, te je usvojen od strane Skupštine i stavljen na javnu raspravu u decembru 2012. godine. Javna rasprava je u toku, a usvajanje Prostornog plana se očekuje u maju 2013. godine.

Nakon analize Zakona o prostornom uređenju i građenju i Zakona o uslovima i postupku legalizacije bespravno izgrađenih građevina provedene su aktivnosti na izradi Nacrta Zakona o izmjenama i dopunama Zakona o prostornom uređenju i građenju i pripremama za izradu Nacrta Zakona o izmjenama i dopunama Zakona o uslovima i postupku legalizacije bespravno izgrađenih građevina.

Skupština Kantona je, na svojoj sjednici od 30.01.2013. godine, utvrdila Nacrt Zakona o izmjenama i dopunama Zakona o prostornom uređenju i građenju, te odredila rok za provođenje javne rasprave. Javna rasprava po navedenom propisu je u toku, te se očekuje njegovo donošenje u aprilu ove godine.

Značajno je napomenuti da je u decembru 2012. godine donesena Odluka o pristupanju izradi Prostornog plana područja posebnih obilježja dijela slivnog područja akumulacije Modrac za period 2013. – 2033. godina.

Nastavljene su aktivnosti na uspostavljanju i efikasnom funkcionisanju komunalnih redara, te sačinjena Informacija o efektima primjene Zakona o korištenju, upravljanju i održavanju zajedničkih dijelova i uređaja zgrade, kao priprema za izradu navedenog zakona.

Takođe je doneseno nekoliko akata iz oblasti zaštite okolice, urađena tenderska dokumentacija i objavljen javni poziv za Kantonalni plan zaštite okoliša, donesena je Odluka o pristupanju izradi Kantonalnog plana upravljanja otpadom Tuzlanskog kantona 2013. - 2018. i izvršene druge pripremne aktivnosti.

### **Od ostalih aktivnosti realizovanih u navedenom periodu ističemo slijedeće:**

- Vođene su, u saradnji sa drugim subjektima i samostalno, brojne ativnosti na realizaciji **projekta energetske efikasnosti**, koji ima za cilj uštedu svih vrsta energenata, posebno sa aspekta ušteta u zgradarstvu. U tu svrhu je planiran i određen iznos sredstava od naknada za zaštitu okolice, koja će biti realizovana u školama i javnim objektima na području Tuzlanskog kantona u toku 2013. godine.

- Izvršene su pripreme na način da su određena i definisana sredstva od geodetskih naknada, te utvrđen prijedlog njihove realizacije za narednu godinu kao jedan novi segment aktivnosti ovog Ministarstva, a navedena sredstva bi se **koristila za vršenje premjera, izradu karte, te uspostavljanje katastra nekretnina na području općina Tuzlanskog kantona**, čime bi se postigao značajan napredak u ovoj oblasti.

- Sačinjene su primjedbe na Prostorni plan Federacije BiH, te vođene aktivnosti sa Federalnim ministarstvom prostornog uređenja i Vladom Tuzlanskog kantona u pravcu prihvatanja predloženih rješenja i otklanjanja **veoma značajnih primjedbi na Prostorni plan Federacije BiH vezanih za prostor Tuzlanskog kantona**.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

- Izvršena je potrebna priprema za nabavku softvera i opreme **za novi način izvještavanja o podacima sa Sistema za praćenje kvaliteta zraka**, koji će omogućiti bolje informisanje građana o mnogim aspektima kvaliteta zraka i meteoroloških prilika.

## Oblast razvoja i poduzetništva

Zakonom o izmjenama i dopunama Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", broj: 8/11) koji je stupio na snagu 30.06. 2011. godine, formirano je Ministarstvo razvoja i poduzetništva.

Zatečeno stanje, kako u Ministarstvu tako i u oblasti MSP i obrta, koje je u nadležnosti Ministarstva, je bilo u veoma lošem stanju. Kako bi se poduzele konkretne aktivnosti na unaprjeđenju u oblasti poduzetništva Vlada i Ministarstvo razvoja i poduzetništva su imali više aktivnosti kako bi osposobili, prije svega, svoje kapacitete, osposobljavanjem preuzetih službenika i namještenika, u pružanju usluga i u radu na unaprjeđenju poduzetništva i tako **stvorili pretpostavke za adekvatnu podršku i servis poduzetnicima.**

Ministarstvo je izradilo *Razvojni srednjoročni strateški plan za period 2012. – 2014, te roll-up metodom isti produžilo na period 2013-2015.* Definirani su vizija, misija i strateški ciljevi, kao i akcioni plan za period 2012. – 2014., na osnovu kojeg je sačinjen i prijedlog Akcionog plana za 2012. godinu, koji je bio osnov za pripremu budžetskog zahtjeva za 2012. I 2013. godinu. Strateški srednjoročni ciljevi Ministarstva su: Jačanje organizacionih i institucionalnih kapaciteta ministarstva; Jačanje konkurentnosti MSP i obrta; Stvaranje povoljnog poslovnog okruženja za razvoj poduzetništva

Podrška razvoju Kantona je od 2011 znatno unaprijeđena u odnosu na prethodni period, i to ne samo povećanjem ulaganja, nego i *uvođenjem novih programa u skladu sa potrebama korisnika, kao i znatno unaprijeđenom procedurom podjele i kontrole utroška sredstava.*

Ministarstvo je definisalo aktivnosti koje se odnose na praćenje adekvatnih izvještaja o stanju poduzetništva u TK i to WB Lakoća poslovanja i GEM izvještaj. Analize tih izvještaja s akcentom na raspravu s ciljem rješavanja evidentiranih problema Ministarstvo je pokrenulo kroz *direktnu komunikaciju sa poduzetnicima i ostalim akterima, putem organizovanja prezentacija, okruglih stolova i konferencija, kako bi direktno od poduzetnika dobili povratne informacije po raznim pitanjima, kao što su, preferencije poticaja, naplata potraživanja, registracija imovine, registracija preduzeća.* Rezultati su nam koristili u daljem radu pri kreiranju poticaja, kao i inicijativa za dalje reforme regulatornog okvira.

Višegodišnje negativno poslovanje „Društva za razvoj Tuzla“ d.o.o.Tuzla, koje se finansiralo isključivo iz Budžeta, te trošilo 60.000,00 KM i više godišnje, za poslove koji vrijede višestruko manje, je razriješeno donošenjem *Odluka o rješavanju statusnog pitanja „Društva za razvoj Tuzla“ d.o.o.*

Organizovane su *prezentacije povoljnih izvora finansiranja* za MSP i obrte (Razvojna Banka, WeBSeff program, FP7 programi).

Organizovane su *besplatne prezentacije gotovo svih standarda kvaliteta s ciljem upoznavanja zainteresovanih poduzetnika*, sa značajem, procesima i modelima uvođenja standarda.

Zajednički je *koordiniran uspješan nastup na mnogim Sajmovima u regionu* (sa Obrtničkom komorom Tuzlanskog kantona, Udruženjem umjetnički i stari zanati i pojedinačnim udruženjima), na osnovu *uspostavljenog partnerskog odnosa.*

*Otvorena je Poslovnica Razvojne Banke Federacije BiH u Tuzli.*

Vlada TK je na prijedlog Ministarstva usvojila *Pravilnike i kriterije za nominiranje infrastrukturnih projekata od značaja za TK i imenovala Komisiju za ocjenu* (koja radi bez naknade). Ova komisija priprema liste kandidiranih projekata (prema usvojenim kriterijima) koji se razmatraju na Vladi i dalje nominiraju na više nivoje vlasti.

U saradnji sa Federalnim Zavodom za programiranje razvoja, pristupilo se harmonizaciji implementacije i realizacije Strategija sa viših nivoa kao i Strategije razvoja TK. Usvojen je *sistem izrade akcionih planova za implementaciju Strategije razvoja i Strategije Socijalnog uključivanja kao i Strategije razvoja TK, i imenovan Tim za implementaciju (koji radi bez naknade).*

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Ministarstvo razvoja i poduzetništva je pokrenulo inicijativu da Vlada imenuje **Interresorni tim za regulatornu reformu s ciljem unaprijeđenja poslovnog ambijenta** (radi bez naknade i u njemu praticiraju osim predstavnika resornih ministarstava, i predstavnici NVO, OKTK, KPK, općina), koji kroz svoje djelovanje razmatra neke od aspekata (kao podlogu ima Izvještaj WB Lakoća poslovanja i GEM izvještaj) koji bi trebali biti sadržani u reformi regulatornog okvira u cilju unaprijeđenja poslovnog ambijenta, te u skladu sa zaključcima i preporukama provedenih analiza je pripremio za Vladu **inicijative vezane za obrazovanje za stare i rijetke zanate, inicijativu za izmjene i dopune Zakona o porezu na promet nepokretnosti i prava koji je uvršten u Program rada Vlade Tuzlanskog kantona za 2013, Inicijativu za izmjenu Zakona o stečaju, kao i prijedloge za smanjenje troškova kod registracije poduzeća.**

Ministarstvo se aktivno uključilo u rješavanje pitanja produkcije kadrova koji nije adekvatan potrebama privrede tako što je pripremio **Projekat Barometar radne snage**, koji je provelo dvije godine za redom.

Vlada do 2011.godine nije raspolagala kadrovskim kapacitetima koji su obučeni za pripremu i realizaciju Projekata prema pravilima međunarodnih institucija, a problem je bio i nepoznavanje stranih jezika. Ministarstvo je obučilo i osposobilo postojeće kadrove i izvršilo prijem novih, već obučanih, tako da su **pripremljeni samostalno ili sa partnerima mnogi projekti u toku 2012. godine kojima je aplicirano za sredstva iz međunarodnih fondova, kao i dva IPA prekogranična programa.**

U okviru normativnih djelatnosti Ministarstva, značajno je za istaći da je Skupština jednoglasno donijela **Zakon o javno-privatnom partnerstvu**, pripremljen i predložen od Ministarstva, a što je osnova za realizaciju infrastrukturnih projekata na Tuzlanskom kantonu.

Ministarstvo je nabavilo i stavilo na korištenje svim Ministarstvima **Bazu podataka TRON Systems**, koja je poslužila kao osnov za analizu stanja u MSP, neophodnu za planiranje aktivnosti i mjera.

Ministarstvo je pripremio Informacije o stanju u oblasti obrta, kao i Informaciju o stanju u sektoru MSP, koje su jednoglasno usvojene na Skupštini TK.

Ministarstvo je **koordinator Projekta Unaprijeđenje poslovnog ambijenta s ciljem privlačenja investicija, koji se realizuje u saradnji sa IFCom**, i koji teče u skladu sa ugovorenim dinamikom. Očekivani rezultati projekta ogledaju se u povećanju konkurentnosti kantona putem smanjenja troškova i rizika poslovanja; povećanju transparentnosti u sprovođenju administrativnih postupaka na kantonalnom nivou; jačanju kapaciteta za privlačenje investicija; i olakšavanju ulaganja na kantonalnom nivou.

Ostvarena kvalitetna **saradnja sa nevladinim sektorom** koji se bavi poduzetništvom i uvedene **nove vrste poticaja**, kao i novi **način projektnog odnosno programskog finansiranja, na zadovoljstvo svih naših korisnika**, tako da najbolji dobiju sredstva potrebna za realizaciju projekata, a ne kao do sada višestruko umanjene iznose koji ih onemogućavaju da uopšte započnu planirane projekte.

**Uvođenje antikoruptivnih mjera**, unaprijeđenjem Pravilnika koji definišu postupke, kriterije i odabir korisnika sredstava, uz maksimalnu transparentnost, kao rezultat učešća u Projektu „Manje korupcije-Više radnih mjesta“.

### **Uporedna analiza finansijskih poticaja za poduzetništvo za period 2008-2012**

**Broj programa je porastao sa 6 u 2010.godini na 12 u 2012.godini, dakle 100%.**

**Broj korisnika** Programa sa linije Podrška razvoju kantona je u 2012.godini u odnosu na 2010.godinu **porastao za 42%** tj sa **152 na 218**.

**Sredstva** izdvojena za podršku razvoju poduzetništva su **porasla** sa oko 577.728 KM u 2010.godini na 1.022.000 KM u 2012.godini, što je **71%**, ne računajući depozit za Garantni fond Nerda, koji je sa **300.000 KM u 2008.godini** porastao na **810.000 KM u 2012.godini**.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Ministarstvo razvoja i poduzetništva, je u skladu sa svojim Strateškim planom realiziralo dva programa, finansirana sa ESCROW računa, a koja su se realizirala putem javnog poziva u saradnji sa NERDA-om. Programom za dodjelu subvencioniranih kredita uz garancije Garantnog fonda NERDA su odobrena **23 kredita** u ukupnom iznosu **1.955.000,00 KM**, poduzećima koja trenutno zapošljavaju **498 radnika**. Ukupna investicija, uključujući sopstvena sredstva poduzeća iznosi 4.640.000,00 KM, a planirano je zapošljavanje **87 radnika**. Krediti su isplaćeni iz sredstava Volksbank BH dd. Za ovaj program Vlada Tuzlanskog kantona je izdvojila 142.000,00 KM za subvenciju kamate i 510.000,00 KM za depozit kao garanciju za kredite, što **po jednom novom radnom mjestu iznosi 7.494,00 KM depozita, tj. 1.632,00 KM grant sredstava**.

Također, realizovan je i javni poziv za subvenciju kamata, na osnovu kojeg je **25 poduzeća** koja trenutno zapošljavaju **1.672 radnika** a koje su u periodu 2011. i 2012. godine zaposlile 507 novih radnika, dobilo grant subvenciju kamata u iznosu **298.598,48 KM**, što **po jednom radnom mjestu iznosi 589 KM**.

*Uporedni pregled finansijskih poticaja 2008-2012 po korisnicima*

	2008	2009	2010	2011	2012
<b>UKUPNO</b>	<b>487.596</b>	<b>747.038</b>	<b>577.728</b>	<b>597.374</b>	<b>1.022.084</b>

## **Oblast poljoprivrede, šumarstva i vodoprivrede**

U periodu 01.01.-31.12.2012. godine u Ministarstvu poljoprivrede, šumarstva i vodoprivrede, u oblasti poljoprivrede, u dijelu koji se odnosi na realizaciju kantonalnih novčanih podrški u primarnoj poljoprivrednoj proizvodnji, riješeno je 2.909 zahtjeva, kao i 2.382 zahtjeva koji su bili predmet federalnih novčanih podrški. Potrebno je naglasiti da su Programi i Pravilnici za ostvarivanje novčanih podrški kasno doneseni, ali su ipak svi zahtjevi blagovremeno riješeni i proslijeđeni nadležnim na daljnju realizaciju.

U upravnom postupku koji se odnosi na rješavanje zahtjeva za promjenu namjene poljoprivrednog zemljišta u nepoljoprivredne svrhe, riješen je 101 zahtjev iako su zakonska rješenja u ovoj oblasti jako komplicirana, što otežava rješavanje zahtjeva.

Započete su aktivnosti na realizaciji vrlo važnog projekta, kada je u pitanju izrada karti upotrebne vrijednosti zemljišta. Potrebno je naglasiti da će se realizacijom ovog projekta na području Tuzlanskog Kantona postići višestruka korist, kako kroz utvrđivanje stvarnog stanja zemljišta, kako u pogledu kvaliteta, tako i stanja istog, a samim tim i preporuke koje mjere poduzimati u cilju povećanja proizvodnosti istog. Još jedna od pozitivnih strana ovog projekta jesu veći efekti kada je u pitanju visina sredstava od promjene namjene poljoprivrednog zemljišta.

U prošloj godini su vođene aktivnosti na dodjeli državnog poljoprivrednog zemljišta na koncesiju odnosno u zakup. Za zemljište koje je bilo predmet koncesije na području općine Živinice i Srebrenik (2 ugovora), potpisani su ugovori i možemo reći da je ovaj posao uspješno završen.

Kada je u pitanju dodjela zemljišta u zakup, sve aktivnosti su završene na području općina: Živinice, Lukavac, Srebrenik i Gradačac, dok na području općine Kalesija nije u potpunosti završen posao, zbog određenih problema koji su se pojavili u toku realizacije. Ministarstvo će, kao i do sada, aktivno učestvovati u iznalaženju rješenja. Ukupno su potpisana 542 ugovora o zakupu državnog poljoprivrednog zemljišta.

U upravnom postupku u oblasti veterinarstva riješeno je 215 predmeta. Na izdavanje rješenja o ispunjavanju veterinarsko-zdravstvenih uslova odnosilo se 142 predmeta, od čega je 67 po osnovu zahtjeva stranke, dok je riješeno 75 predmeta pokrenutih po službenoj dužnosti, a u skladu sa Zakonom o veterinarstvu („Službene novine FBiH“, broj. 46/00). Bitno je napomenuti da je za izdavanje rješenja o ispunjavanju veterinarsko-zdravstvenih uslova neophodno formirati tročlanu komisiju, čiji predsjednik mora biti službeni veterinar, a koja mora izvršiti neposredni uvid u stanje predmetnog objekta, te na osnovu sačinjenog zapisnika donijeti mišljenje, kojim predlaže dalje radnje u postupku. Po ovom osnovu odbačeno je, odbijeno ili obustavljeno 34 predmeta.

Pored toga, riješena su 43 predmeta, koja su se odnosila na izdavanje veterinarsko-zdravstvene saglasnosti na lokaciju i projektnu dokumentaciju, odnosno usklađenost uslova izgradnje objekata sa veterinarsko-zdravstvenim uslovima, kao i potrebnih uslova za izložbe životinja i tradicionalnih sportskih natjecanja.

Takođe, zaprimljeno je i riješeno 15 zahtjeva za nadoknadu štete za neškodljivo uklonjene seropozitivne životinje vlasnicima, a 15 predmeta je vođeno po osnovu procjene nastale štete kod uklanjanja oboljelih životinja. Ovdje je potrebno naglasiti da je za procjenu štete, takođe, potrebno formirati tročlanu komisiju, koja na osnovu trenutne tržišne cijene na dan uklanjanja životinje, vrši procjenu vrijednosti životinja i predmeta, te nadgleda eutanaziju i neškodljivo uklanjanje o čemu sačinjava zapisnik.

U toku 2012. godine, zaprimljeni su i brojni zahtjevi, dopisi i sugestije izvan upravnog postupka, kao i poslaničke inicijative, te poslanička pitanja na koje su djelatnici Ministarstva odgovorili, blagovremeno i u skladu sa pozitivnim zakonskim propisima.



Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Pored toga, Ministarstvo je Programom mjera zdravstvene zaštite životinja na Tuzlanskom kantonu za 2012. godinu („Službene novine Tuzlanskog kantona“, broj: 5/12, 12/12) definisalo koje je mjere zdravstvene zaštite životinja potrebno provoditi na Kantonu kao epizootiološkom području, a imajući u vidu da je Tuzlanski kanton, Odlukom o određivanju područja ugroženim bedrenicom na području Tuzlanskog kantona („Službene novine Tuzlanskog kantona“, broj: 5/12), proglašen za bedrenički distrikt, Ministarstvo je sufinansiralo cijepljenje goveda protiv antraksa u ukupnom broju od 26.991 grla. Takođe je sufinansirano preventivno cijepljenje svinja protiv klasične svinjske kuge u ukupnom broju od 1.907 grla.

U skladu sa Zakonom o veterinarstvu („Službene novine Federacije Bosne i Hercegovine“, broj: 46/00), te u skladu sa Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi („Službeni glasnik BiH“, broj: 19/11), Ministarstvo je tokom 2012. godine vodilo intenzivne aktivnosti na rješavanju zbrinjavanja nusproizvoda životinjskog porijekla, te je Odlukom o odobravanju sredstava za sufinansiranje nabavke spalionice, broj: 04/1-14-22321/12, od 08.10.2012. godine, dodijelilo sredstva Općini Živinice za sufinansiranje nabavke spalionice animalnog otpada, nakon čega je, dana 11.10.2012.godine, potpisan Ugovor o prijenosu sredstava za sufinansiranje nabavke spalionice, broj: 04/1-14-22321-2/12, kojim se Općina Živinice obavezala da će Ministarstvu dostaviti dokaz o uplati sredstava dobavljaču za nabavku spalionice animalnog otpada, te da će spalionicu animalnog otpada, kao osnovno sredstvo, ustupiti JP „Veterinarska stanica“ doo Živinice na trajno korištenje, uz obavezu da će vršiti usluge spaljivanja animalnog otpada za potrebe općina Tuzlanskog kantona, čime će biti trajno riješen ovaj problem na našem Kantonu. Imajući u vidu da je za rad nabavljene opreme potrebna i ostala infrastruktura i oprema, kao i da je potrebno ishodovati neophodne dozvole, te izvršiti stručno usavršavanje radnika, što iziskuje dodatna sredstva, vrijeme i angažman odgovornih osoba, procedura je u toku.

U toku 2012. godine, ovo Ministarstvo je nekoliko puta pokušalo putem veterinarskih stanica aktuelizirati problem pasa lotalica, te su neke općine Tuzlanskog kantona u saradnji sa veterinarskim djelatnicima započele aktivnosti na projektima formiranja higijenskih servisa. Takođe, u saradnji sa nevladinim sektorom započeli su pregovori oko modela rješavanja problema zbrinjavanja pasa lotalica i sprječavanja njihovog nekontrolisanog razmnožavanja. U narednom periodu neophodno je uložiti dodatne napore, te u saradnji sa općinama Tuzlanskog kantona i nevladinim sektorom inicirati formiranje novih higijenskih servisa i skloništa za životinje, kako bi se problem pasa lotalica riješio u punom kapacitetu.

Kada su u pitanju aktivnosti vođene u oblasti upravljanja vodama u 2012. godini, potrebno je istaći nekoliko kapitalnih projekata.

U 2012. godini provedena je procedura javne nabavke radova i započeta realizacija III faze sanacije brane Modrac, ukupne vrijednosti 1,9 miliona KM, čiji završetak se planira u 2013. godini.

Sve aktivnosti na pripremi i realizaciji I, II i III faze sanacije brane Modrac, Ministarstvo je provelo u saradnji sa JP za vodoprivrednu djelatnost "Spreča" d.d. Tuzla.

Završetkom radova IV faze sanacije, najkasnije do kraja 2015. godine uspostaviti će se funkcionalnost objekta brane Modrac, u pogledu stabilnosti i vododrživosti.

U prethodne dvije godine, Ministarstvo je, uz podršku Vlade Tuzlanskog kantona intenziviralo aktivnosti u cilju zaštite akumulacije Modrac, najvećeg i najznačajnijeg višenamjenskog vodnog resursa za Tuzlanski kanton i Federaciju BiH, kao strateškog cilja za dalji razvoj Tuzlanskog kantona.

U julu 2012. godine, Vlada TK je, na prijedlog Ministarstva usvojila Interni izvještaj o stanju kvaliteta voda akumulacije Modrac i voda vodotoka u slivu akumulacije Modrac, sa prijedlogom mjera za zaustavljanje trenda pogoršanja i prijedlogom mjera za poboljšanje postojećeg stanja, kao i Strategiju zaštite akumulacije Modrac, urađene od strane Koordinacionog tima za zaštitu akumulacije Modrac.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Skupština TK usvojila je Strategiju zaštite akumulacije Modrac u septembru 2012. godine.

U periodu mart – novembar ove godine, Ministarstvo, uz podršku Vlade Kantona i Javno preduzeće za vodoprivrednu djelatnost „Spreča“ d.d, Tuzla vodili su pregovore sa Evropskom bankom za obnovu i razvoj (EBRD) o mogućnostima finansiranja i podrške realizaciji I faze projekta zaštite Modraca, koja obuhvata izgradnju sistema za odvodnju i postrojenja za tretman komunalnih otpadnih voda u naseljima na obali Modraca.

U julu 2012. godine, Vlada Tuzlanskog kantona odobrila je apliciranje kod WBIF fonda (Western Balkan Investment Framework), u okviru sektora Okoliš, podsektor Voda i sanitacija, za grant sredstva za projekat "Optimizacija sistema odvodnje i tretmana komunalnih otpadnih voda u slivu akumulacije Modrac", čiji sastavni dio je projekat "Izgradnja sistema za odvodnju i postrojenja za tretman komunalnih otpadnih voda u naseljima na obali akumulacije Modrac". Aplikaciju je u cijelosti uradilo Ministarstvo.

U novembru 2012. godine Ministarstvo je, putem Federalnog ministarstva poljoprivrede, vodoprivrede i šumarstva, zvanično obaviješteno da je WBIF odobrio 1,0 miliona EUR grant sredstava Tuzlanskom kantonu za navedene aktivnosti.

U skladu sa Predugovorom o financiranju Projekta "Izgradnja sistema za odvodnju i postrojenja za tretman komunalnih otpadnih voda u naseljima na obali akumulacije Modrac", potpisanim između Vlade Tuzlanskog kantona, JP za vodoprivrednu djelatnost "Spreča" d.d. Tuzla i EBRD, ukoliko, na osnovu Studije izvodljivosti "Optimizacija sistema odvodnje i tretmana komunalnih otpadnih voda u slivu akumulacije Modrac", EBRD ocijeni da je njegova realizacija prihvatljiva, slijedi kreditni aranžman za projekat izgradnje sistema za odvodnju i postrojenja za tretman komunalnih otpadnih voda u naseljima na obali akumulacije Modrac, po kom JP za vodoprivrednu djelatnost "Spreča" d.d. Tuzla dobija kredit od EBRD u iznosu od 5,0 miliona EUR, uz najmanje 2,5 miliona EUR grant sredstava.

Pored navedenih sredstava, Tuzlanski kanton je, putem UNIDO programa, od Republike Slovenije dobio 300.000 EUR grant sredstava za sagledavanje mogućnosti i provođenje pilot projekta bioremedijacijskih mjera zaštite kvaliteta vode akumulacije Modrac.

U Živinicama, kao prvom uzvodnom zagađivaču akumulacije Modrac, u septembru 2012. godine završeni su radovi na izgradnji "0" faze postrojenja za tretman komunalnih otpadnih voda koja obuhvata mehanički tretman otpadnih voda, u vrijednosti 1.795.715,47 EUR, koje je Tuzlanski kanton sufinansirao u iznosu od 305.272,47 EUR iz Kredita Svjetske banke broj 3954 BOS - Projekat urbane infrastrukture i usluga, dok su preostala sredstva dijelom obezbijedena iz GEF TF055265 Fonda – Projekat zaštite kvaliteta voda, IPA 2010 i Budžeta Federacije BiH.

U 2012. godini, iz sredstava vodnih naknada finansiran je, odnosno sufinansiran niz projekata izgradnje i rekonstrukcije općinskih i mjesnih vodovodnih i kanizacionih sistema, te zaštitnih vodnih objekata.

Kada je u pitanju sektor šumarstva, najznačajnija aktivnost koju je ovo Ministarstvo uspješno realiziralo u 2012. godini, je izrada kantonalnog Zakona o šumama, koji je Skupština Tuzlanskog kantona donijela u julu 2012. godine, sa ciljem zakonskog uređenja ove oblasti na kantonalnom nivou, obzirom da od 06.11.2011. godine do danas nema propisa koji uređuje ovu oblast na teritoriji Federacije BiH.

U Poljoprivrednom zavodu, kao upravnoj organizacija u sastavu Ministarstva poljoprivrede, šumarstva i vodoprivrede, službenici su bili angažovani na edukaciji poljoprivrednih proizvođača na području Tuzlanskog kantona, te na realizaciji novčane podrške u primarnoj poljoprivrednoj proizvodnji na federalnom i kantonalnom nivou, kao i svim drugim aktivnostima vezanim za poljoprivrednu proizvodnju i uređenje poljoprivrednog zemljišta.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

**Poljoprivredni zavod je:**

- učestvovao u izradi Programa rada javne poljoprivredne savjetodavne službe u FBiH za 2013. godinu,
- nastavio saradnju sa Federalnim zavodom za poljoprivredu Sarajevo u oblasti izvještajno-prognoznih poslova (zaštita bilja), i Agromediteranskim zavodom Mostar u oblasti animalne proizvodnje,
- educirao poljoprivredne proizvođače u cilju postizanja boljih rezultata u poljoprivrednoj proizvodnji,
- pratio poljoprivrednu proizvodnju u toku vegetacijske godine i učestvovao u rješavanju problema poljoprivrednih proizvođača koji su se pojavljivali u toku proizvodnje,
- radio na postavljanju makro i mikro oglada sjemena strnih žita i hibrida kukuruza, te krmnog bilja selekcionarskih kuća sa kojima je Poljoprivredni zavod sarađivao u proteklom periodu, te javno prezentirao rezultate postavljenih oglada organiziranjem manifestacija: Dani polja strnih žita i Dani polja kukuruza,
- radio na započetim i novim projektima u oblasti uređenja zemljišta za pravna lica odnosno općine, što je rezultiralo privođenjem kulturi zapuštenih, neobrađenih parcela odnosno povećanjem ukupnih obradivih površina, urađeno 6 projekata za pravna lica),
- učestvovao u realizaciji novčane podrške koja se finansira iz Federalnog budžeta, i u realizaciji novčane podrške koja se finansira iz budžeta Tuzlanskog kantona, te je putem općinskih službi i direktnim prijavljivanjem zaprimljen i odrađen sljedeći broj prijava:
  - biljna proizvodnja: 1996,
  - animalna proizvodnja:3767
- u saradnji sa Centralnom izvještajno-prognoznom službom za Federaciju BiH, instalirana je oprema za praćenje pojave i brojnosti biljnih bolesti i štetočina (CDA i ASSI uređaj), brzi test za rano otkrivanje ervinije i optički mikroskop,
- u izvještajnom periodu u laboratoriji Poljoprivrednog zavoda za analizu zemljišta ispitano je 154 uzorka na kontrolu plodnosti tla,
- iz biljne proizvodnje na ispitivanje klijavosti sjemena u laboratoriji je ispitano 19 uzoraka.

## Oblast pravosuđa i uprave

Ključne aktivnosti Ministarstva pravosuđa i uprave Tuzlanskog kantona u navedenom periodu bile su:

1. Prvi smo u Bosni i Hercegovini započeli sa praktičnom realizacijom instituta rada za opće dobro na slobodi kao alternativne krivično-pravne sankcije.
2. Izmijenili smo potrebni normativni okvir u cilju poboljšanja naplate sudskih taksi; istovremeno, Vladi Federacije BiH i Parlamentu Federacije BiH smo uputili inicijativu za dopunu Zakona o poreskoj upravi Federacije BiH koji bi u potpunosti unaprijedio naplatu sudskih taksi u Federaciji BiH, te omogućio bolji priliv novčanih sredstava u Budžet Tuzlanskog kantona.
3. Vladi i Parlamentu FBiH smo uputili inicijativu za izmjenu normativnog okvira u oblasti krivičnog zakonodavstva, a u cilju poboljšanja realizacije instituta obavezne odbrane u krivičnom postupku, te smanjenja enormnih budžetskih troškova za plaćanje advokatskih usluga.
4. Uspješno smo otvorili dva nova općinska suda u Lukavcu i Banovićima.
5. Izradili smo projektnu dokumentaciju, te predmjer i predračun radova za rekonstrukciju svih općinskih sudova na području Tuzlanskog kantona.
6. U saradnji sa Delegacijom Evropske komisije u BiH i VSTV BiH iz IPA fonda obezbijedili smo preko 2,5 miliona eura za potpunu rekonstrukciju i opremanje Općinskog suda u Tuzli na novoj lokaciji po sistemu „ključ u ruke“, i to bez ikakvih dodatnih budžetskih ulaganja.
7. S tim uvezi, omogućujemo optimalan smještaj Kantonalnom sudu i Kantonalnom tužilaštvu u sadašnjem objektu; prodajom započete zgrade tužilaštva, kao neadekvatne i nepotrebne, već zainteresiranoj državnoj instituciji, dobivena sredstva ćemo uložiti u rekonstrukciju i opremanje postojeće zgrade Općinskog suda u Tuzli.
8. Organizirali smo uništenje 30 tona, a pripremamo i uništenje preostalih 29 tona anhidrida sirćetne kiseline uskladištenog na području općine Živinice koje je u proteklih 10 godina, nakon oduzimanja u krivičnim postupcima ugrožavalo ljudsko zdravlje i iziskivalo znatne budžetske troškove.
9. Izradili smo idejno rješenje potpunog informatičkog uvezivanja svih kantonalnih organa uprave sa općinama u Tuzlanskom kantonu; trenutno vodimo pripreme za ključne razgovore sa predstavnicima općinskih vlasti vezanih za konačnu operacionalizaciju ovog projekta.
10. Omogućili smo investiciju UNDP-a u potpunu rekonstrukciju i opremanje Kantonalnog zavoda za pružanje pravne pomoći, time što smo ovoj instituciji obezbijedili dodatni smještajni prostor.
11. Objedinili smo javne nabavke na nivou svih kantonalnih ministarstava i uprava, te smo na taj način postigli veći stepen transparentnosti postupka javnih nabavki, ali i smanjenje budžetskih troškova.

Sve gore navedene aktivnosti su, kao vitalno važne, prepoznate od strane VSTV-a BiH i međunarodne zajednice, pa na njihov poziv ovo ministarstvo ravnopravno učestvuje u radu Strukturalnog dijaloga o reformi pravosuđa u BiH kao jedino ministarstvo sa ovog nivoa vlasti.

## **Oblast boračko-invalidske zaštite**

Može se konstatovati da je Ministarstvo u cijelosti ispoštovalo zacrtane strateške ciljeve planirane Programom rada Vlade Tuzlanskog kantona za 2012. godinu, kao i aktivnosti koje nisu planirane programom rada Vlade Kantona za 2012. godinu, te je u svrhu uspješne realizacije daljnjih aktivnosti, Vlada na prijedlog ovoga Ministarstva, donijela nove i inovirala postojeće provedbene propise, a sve u cilju poboljšanja položaja boraca i članova njihovih porodica na području Tuzlanskog kantona.

Zakonska revizija korisnika prava na ličnu i porodičnu invalidninu, prema odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/06, 70/07 i 09/10, u daljem tekstu: federalni Zakon), počev od 2004. godine, provodila se, kontinuirano, u propisanim rokovima.

Pravni osnov za ostvarivanje dopunskih prava iz oblasti boračko – invalidske zaštite sadržan je u Zakonu o dopunskim pravima branitelja i članova njihovih obitelji (u daljem tekstu: kantonalni Zakon) i Odluci o proširenom obimu prava iz oblasti zdravstvene zaštite branitelja i članova njihovih porodica (u daljem tekstu: kantonalna Odluka).

Kantonalnim Zakonom su utvrđena slijedeća prava iz nadležnosti Kantona: zdravstvena zaštita (obavezno zdravstveno osiguranje, premija zdravstvenog osiguranja „markica“, ortotsko protetska pomagala, obezbjeđenje higijensko sanitetskog materijala, obezbjeđenje lijekova i pravo na liječenje u inostranstvu); banjsko i klimatsko liječenje (medicinska rehabilitacija); pravo po osnovu preostale radne sposobnosti; osiguranje povoljnijih uslova za zapošljavanje i prioritet pri zapošljavanju; prioritet u školovanju, stipendiranju i smještaju u domove (upis u obrazovne ustanove i stipendiranje); rješavanje stambenog pitanja; oslobađanje od plaćanja sudskih i administrativnih taksi; podizanje nišana – nadgrobnog spomenika (realizacija Projekta, naknada troškova podizanja nišana i izgradnja spomenika); pomoć u slučaju smrti; posebna prava; nadoknada troškova prijevoza radi liječenja; jednokratne novčane pomoći (za socijalne potrebe i nabavku udžbenika); participacija u učešću – održavanju sportskih takmičenja u invalidskom sportu i manifestacija povodom obilježavanja Dana OS BiH, na području Kantona.

Iz Budžeta općina finansirana su samo sledeća prava: održavanje lokaliteta spomen obilježja, prava u slučaju smrti, izgradnja prilaza do stambene zgrade i subvencija naknada za dodijeljeno građevinsko zemljište.

U navedenom periodu, strateški cilj Ministarstva, između ostalog, bio je i novi način raspodjele sredstava za pomoć u rješavanju stambenih potreba, uvećanjem kreditnih sredstava u odnosu na bespovratna sredstva, a što je i postignuto na zadovoljavajućem nivou.

Aktivnosti na dodjeli bespovratnih novčanih sredstava za pomoć u stambenom zbrinjavanju za 2012. godinu, započele su, raspisivanjem javnog konkursa, prema odredbama podzakonskog akta, Uredbe o dodjeli bespovratnih novačanih sredstava za pomoć u rješavanju stambenih potreba boraca i članova njihovih porodica (u daljem tekstu: Uredbe), maja mjeseca tekuće godine.

Prema odredbama Uredbe predviđena je mogućnost da se preostala neraspoređena sredstva korisnicima iz jedne kategorije mogu preusmjeriti za stambeno zbrinjavanje preostale dvije kategorije, prema redoslijedu utvrđenom na sačinjenim rang listama. Obzirom na aktuelnu regulativu, data je mogućnost da i raniji korisnici bespovratnih sredstava, po prethodno važećem Programima i Pravilnicima, imaju pravo učestvovanja na konkursu, odnosno pravo na razliku sredstava do iznosa utvrđenog u Uredbi i pod uslovom da se utvrdi namjenski utrošak ranije odobrenih sredstava.

Potrebno je istaći da, u skladu sa članom 57. Zakona i članom 47. Uredbe, Ministarstvo po potrebi, vrši upravni nadzor, u predmetima korisnika koji su rangirani i kojima su od Prvostepene komisije predložena bespovratna finansijska sredstva za pomoć u rješavanju stambenih potreba. Upravni nadzor je izvršen u predmetima kandidata u općinama Tuzla, Lukavac, Kalesija, Banovići, Živinice, Gračanica i Srebrenik.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

U skladu sa navedenim dopunskim pravom, a nakon provedene i okončane procedure, za 202 korisnika dodijeljena je finansijska pomoć u rješavanju stambenih potreba u iznosu 1.784.342,50 KM.

U skladu sa Budžetom Kantona za 2012. godinu, dodjela beskamatnih kreditnih sredstava za pomoć u rješavanju stambenih potreba, planirana je u visini od 2.000.000,00 KM i to po 666.666,66 KM, za svaku od kategorija: PŠ-PB, RVI i DB.

Konkurs za dodjelu beskamatnih kreditnih sredstava za pomoć u stambenom zbrinjavanju boraca i članova njihovih porodica raspisan je u mjesecu julu tekuće godine.

Po raspisanom konkursu apliciralo je 173 kandidata od čega je: 28 zahtjeva članova PŠ-PB, 20 zahtjeva RVI –a i 125 zahtjeva DB.

U skladu sa navedenim dopunskim pravom, a nakon provedene i okončane procedure dodijeljena je finansijska pomoć u rješavanju stambenih potreba putem beskamatnih kreditnih sredstva za 88 korisnika, u iznosu od 1.425.450,65 KM.

Također, izmjenama i dopunama Zakona o dopunskim pravima boraca i članova njihovih porodica, obezbjeđena su namjenska sredstva za obavljanje pripravničkog staža boraca i članova njihovih porodica, kao uslova za polaganje stručnog ispita, čime su se stvorili preduslovi za brže zapošljavanje boraca i članova njihovih porodica.

Ministarstvo je, putem konkursa za prijavu, provelo javni poziv i izvršilo odabir 170 kandidata, koji su u skladu sa planiranim finansijskim sredstvima, ostvarili pravo na obavljanje pripravničkog staža. Potrebno je naglasiti da se svim pripravnicima za vrijeme trajanja pripravničkog staža mjesečno isplaćuje naknada u neto iznosu 320,00KM. Zbog ograničenosti finansijskih sredstava Javnim pozivom nisu mogli biti obuhvaćeni svi zainteresirani kandidati, ali je navedeni projekat dobio veliku podršku javnosti, a posebno je pozitivno ocijenjen od strane boračke populacije, tako da će se u narednim godinama nastaviti sa ovakvom ili većom finansijskom podrškom Vlade Kantona.

Stipendiranje učenika i studenata branitelja i članova njihovih porodica, je takođe veoma značajno dopunsko pravo.

U izvještajnom periodu, pristupilo se donošenju novih podzakonskih akata, kojima je predviđen novi model stipendiranja, na način da se postupak stipendiranja odvija u dva paralelna segmenta: stipendiranje izuzetno uspješnih studenata i učenika, koji imaju prosjek ocjena najmanje 9,00, odnosno 5,00 i stipendiranje gdje je prioritet dat socijalnom momentu i prednost imaju borci i članovi njihovih porodica slabijeg materijalnog stanja. Shodno važećim podzakonskim aktima, Ministarstvo je, u analiziranom periodu, okončalo proceduru za dodjelu stipendija učenicima i studentima za školsku/studijsku 2011/2012. Pravo na dodjelu stipendija za školsku/studijsku 2011/2012 ostvarilo je ukupno 2263 učenika i studenta.

U izvještajnom periodu raspisani su novi konkursi za dodjelu stipendija učenicima i studentima za školsku/studijsku 2012/2013 i u toku je postupak dodjele stipendija za iste.

Potrebno je naglasiti i činjenicu da je u izvještajnom periodu, kao i svih prethodnih godina saradnja sa 12 boračkih organizacija i udruženja kantonalnog nivoa kontinuirana i uspješna, a predstavnici boračkih organizacija i udruženja su putem učešća u komisijama uključeni u rješavanje stambenih pitanja, stipendiranja učenika i studenata i dr.

Realizacija finansijskih sredstava na osnovu donesenih rješenja u Ministarstvu, po pojedinačnim pravima, bila je uslovljena prilivom sredstava u Budžet, te operativnim finansijskim planovima Vlade Kantona.

Značajno je da je Ministarstvo u 2012. godinu ušlo sa 5.509.140,15 KM neizmirenih obaveza po osnovu dopunskih prava iz 2011. godine, i to uglavnom sredstva za stambeno rješavanje, stipendiranje učenika i studenata i obaveza iz zdravstvene zaštite, a trenutno izvršenje dopunskih prava je u procentu 92.14 %, odnosno 9.725.570,76 KM.

Potrebno je naglasiti i činjenicu da je u izvještajnom periodu, kao i svih prethodnih godina, kontinuirano vršen svakodnevni prijem boraca i članova njihovih porodica iz svih opština Kantona, sa ciljem mogućnosti rješavanja dopunskih i svih drugih prava, što je uveliko usporavalo i otežavalo rad uposlenika.

## **Oblast trgovine, turizma i saobraćaja**

- U saradnji sa Razvojnoum agencijom NERDA urađen je „Razvojni srednjoročni strateški plan Ministarstva trgovine turizma i saobraćaja Tuzlanskog kantona za period 2012 – 2014. godina”.

### **TRGOVINA I TURIZAM**

- Urađen prijedlog Zakona o ugostiteljskoj djelatnosti koji je razmatrala i donijela Skupština Tuzlanskog kantona (objavljen u “Službenim novinama TK”, broj 1/12). Primjena ovog Zakona treba da dovede do veće profesionalizacije ove djelatnosti, a time i do većeg nivoa kvaliteta ugostiteljskih usluga, što bi trebalo doprinijeti i boljim ekonomskim efektima koje bi ostvarivala ova djelatnost.
- Shodno odredbama Zakona o ugostiteljskoj djelatnosti, tokom 2012. godine Ministarstvo je donijelo osam podzakonskih akata (objavljeni u „Službenim novinama TK”) i to: Pravilnik o obliku, sadržaju i načinu vođenja registra ugostiteljskih objekata, Pravilnik o obliku, sadržaju i načinu vođenja Upisnika o razvrstavanju i kategorizaciji smještajnih objekata, Pravilnik o obliku i sadržaju Upisnika o minimalnim uslovima ugostiteljskih objekata, Pravilnik o načinu i postupku ovjere knjige gostiju i popisa gostiju, Pravilnik o načinu i postupku ovjere knjige žalbi, Pravilnik o načinu ovjere i sadržaju cjenovnika i normativa u ugostiteljskim objektima, Pravilnik o izgledu, sadržaju i rokovima dostave obrazaca, Pravilnik o programu i načinu polaganja stručnog ispita u ugostiteljstvu.
- Urađen projekat prodaje preduzeća DD “Konjuh” Kladanj (prezentovan na Sarajevskom biznis forumu).
- Osmišljen i realizovan projekat „Turistička razglednica Tuzlanskog kantona“ (11 televizijskih emisija o Tuzlanskom kantonu).
- Urađen projekat za predstavljanje turističke ponude Tuzlanskog kantona za područje Turske i zemalja Bliskog istoka (učesće na Sajmu turizma u Izmiru, R. Turska).
- Ministarstvo je u cilju podizanja svijesti građana da siva ekonomija i nelegalan rad nanosi štetu društvu u cijelini i potrebi zaštite domaće proizvodnje pokrenulo medijsku kampanju, na način da je finansiralo i realizovalo snimanje reklamnog spota koji promovira kupovinu domaćih proizvoda, koji se emituje na RTVTK. U sklopu ovih aktivnosti, Ministarstvo je organizovalo okrugli sto na temu “kako i zašto zaštititi domaću proizvodnju vode, bezalkoholnih pića i piva” na kome su učesće uzeli i predstavnici Vanjsko-trgovinske komore BiH, Ministarstva vanjske trgovine i ekonomskih odnosa BiH, kao i predstavnici sindikata PPDiVUT (rezultat je otvaranje šire rasprave na području BiH o ovoj problematici što je za rezultat imalo donošenje odgovarajućih mjera od strane Vijeća ministara BiH).
- Ministarstvo je organizovalo javnu raspravu na temu „Sklapanje „uličnih ugovora“, zamke i zloupotrebe prava potrošača“ (rezultat je podizanje tužbe protiv jednog telecom operatera od strane Obdusmana za zaštitu potrošača BiH).
- Izvršena konsolidacija stanja u Turističkoj zajednici TK.

### **SAOBRAĆAJ**

- Predložen i 30.11.2011. godine donesen Zakon o cestovnom prijevozu na području Tuzlanskog kantona i isti je objavljen u „Službenim novinama TK“, broj: 15/2011.
- Doneseni su Pravilnici proizašli iz Zakona o cestovnom prijevozu na području Tuzlanskog kantona, kojima će se povećati funkcionalnost Ministarstva i olakšati građanima pribavljanje dokumenata potrebnih za obavljanje prijevoza putnika i robe na području TK, kao i zakonitost prilikom obavljanja pojedinih vidova prijevoza, a to su: Pravilnik o izgledu i sadržaju obrazaca

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

zahtjeva i potrebnih dokumenta za obavljanje djelatnosti iz oblasti prijevoza, Pravilnik o posebnom ispitu za taksi vozača, Pravilnik o načinu organizacije prijevoza autobusima opremljenim uređajima za olakšan ulaz/izlaz invalidnih osoba koji vrše linijski prijevoz na općinskim linijama kroz gradsko područje i Pravilnik o načinu obilježavanja taksi stajališta.

- Ministarstvo je sprovelo postupak usklađivanja kantonalnih redova vožnje.
- Urađen je Operativni plan mjera za suzbijanje nelegalnog rada u oblasti prijevoza.
- Urađen prijedlog Zakona o izmjenama Zakona o osnivanju Javnog preduzeća «Međunarodni aerodrom Tuzla» koji je razmatrala i donijela Skupština Tuzlanskog kantona (objavljen u “Službenim novinama TK”, broj 9/12).
- Urađen projekat “Unapređenje nivoa bezbjednosti djece i pješaka u školskim zonama
- Urađen Profil (Tizer) Projekta „MAT - regionalni cargo centar sa Airparkom” sa prezentacijom,
- Pripremljena Odluka o proglašenju puta od priključka regionalnog puta R-469 Živinice - Međaš do zgrade putničkog terminala JP ”MAT” Tuzla od strateškog značaja za TK
- Pripremljena Odluka o proglašenju sjeverne saobraćajnice kroz Tuzlu - dionica 1000 metara od Skvera do ulaza za Tenis putem od strateškog značaja za TK,
- Pripremljen i odštampan Hronološki Kantonalni Registar redova vožnje za 2012/2015. godinu (džepno izdanje).
- Prikupljeni podaci za lokalne i regionalne puteve u cilju kategorizacije putne mreže
- Pripremljena za Vladu Odluka o utvrđivanju uslova i kriterija, načinu i postupku raspodjele namjenskih sredstava prikupljenih po osnovu naknade za obavljene tehničke preglede vozila vozila

## PUTNA INFRASTRUKTURA

- Direkcija cesta Tuzla je u prva tri kvartala 2012. godine ostvarila **8.169.244,00 KM ukupnih prihoda i 4.942.717,00 KM rashoda** i finansirala izradu 11 projektnih dokumentacija u ukupnom iznosu od 285.226,00 KM,
- urađena je rekonstrukcija regionalnih cesta u dužini od 9.750,00 metara, rehabilitacija regionalnih cesta u dužini od 13.100.00 metara, sanacija lokalnog puta u dužini od 700 metara i izgradnja jednog mosta na regionalnoj cesti R 459 (most na rijeci Gnjici),
- Sufinansirana je izgradnja mosta i kružnog toka na regionalnom putu R-460 Gračanica - (veza sa M4) sa 250.000,00 KM i rekonstrukcija puta od značaja za Tuzlanski kanton“ dionica od Skvera do semafora za skretanje na park Slana banja” u iznosu od 500.000,00 KM,
- U održavanje i obnovu saobraćajne signalizacije na regionalnim cestama investirano je 600.000,00 KM od čega je 270.000,00 KM horizontalna saobraćajna signalizacija a vertikalna saobraćajna signalizacija, ugradnja zaštitnih ograda i mreža 330.000,00 KM,
- Kontinuirano je vršeno održavanje propusta i mostova za čije finansiranje je utrošeno 200.000,00 KM, sanirano je klizišta u vrijednosti od 186.227,32 KM.
- Takođe, urađen je Elaborat o vrijednosti regionalne putne mreže TK i vrijednosti poslovnih prostorija Direkcije cesta Tuzla čime su pokrenute aktivnosti na knjiženju stvarne vrijednosti stalnih sredstava Direkcije.
- Završen je postupak javne nabavke usluga izrade «Osnova strategije razvoja regionalnih cesta TK u periodu od 2013. do 2023. godine».



## Oblast unutrašnjih poslova i bezbjednosti

### KRIMINALITET

Tokom 2012. g. nadležnim tužilaštvima podnešeno je 6.996 izvještaja o izvršenju krivičnog djela, protiv 5.846 učinioca. U odnosu na prethodnu godinu broj podnešenih izvještaja nadležnim tužilaštvima je manji za 1291 ili 15,58%, dok je broj prijavljenih učinilaca manji za 66 ili 1,12%.

Ukupan broj krivičnih djela koji je obuhvaćen podnešenim izvještajima je 7.424, što je za 1.243 krivična djela ili 14,34% manje u odnosu na prethodnu godinu.

Operativnim radom, otkriveni su počinioци za 1.877 krivičnih djela prethodno prijavljenih po nepoznatom izvršiocu. Procenat otkrivenosti krivičnih djela prijavljenih po nepoznatom učiniocu iznosi 36,60%, dok je procenat ukupne rasvijetljenosti krivičnih djela 56,20%.


	2011	2012	RAZLIKA	TREND (%)
Broj izvještaja o učinjenim krivičnim djelima	8287	6996	-1291	-15,6
Broj odbačenih izvještaja o učinjenom krivičnom djelu	184	178	-6	-3,3
Broj krivičnih djela	8667	7424	-1243	-14,3
Broj prijavljenih lica	5912	5846	-66	-1,1
Broj povratnika u činjenju KD-a	1938	1749	-189	-9,8
Broj lica lišenih slobode	601	514	-87	-14,5
Rasvijetljenost KD-a po NN (%)	30,63	36,6	5,97	19,5
Ukupna rasvijetljenost KD-a (%)	47,18	56,2	9,02	19,1
Broj KD-a učinjenih od strane maloljetnika	381	310	-71	-18,6
Broj maloljetnih učinilaca KD-a	531	413	-118	-22,2

Od ukupnog broja prijavljenih učinilaca, broj prijavljenih maloljetnika je manji za 118, broj prijavljenih učinilaca sa područja drugog BH entiteta je veći za 6, broj stranih državljana učinilaca krivičnih djela veći je za 2, dok je broj prijavljenih pripadnika MUP-a manji za 1.

Ukupna materijalna šteta nastala ovim krivičnim djelima iznosi oko 9,6 miliona KM, što je za oko 2,3 miliona KM ili 19,17% manje u odnosu na prošlu godinu.

Otuđen je manji broj motornih vozila za 49 vozila ili 34,03%.

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine



## JAVNI RED I MIR

Broj evidentiranih prekršaja u 2012.g. je 3.399 što je za 127 prekršaja ili 3,9% više nego u 2011.g.

Broj počinioca je 4.595, što je za 293 ili 6.8% više nego u prošloj godini.

Broj tuča je smanjen za 10,1%, neovlaštene upotrebe oružja za 32,1%, kao i broj prekršaja na sportskim stadionima i dvoranama za 38,8% i ugostiteljskim objektima za 15,8%.

Povećan je broj prekršaja prosjačenja, za 120 prekršaja ili 117,6%, što je rezultat pojačanih aktivnosti na suzbijanju ove negativne društvene pojave.

Iako je broj prekršaja nešto veći nego u prošloj godini, stanje javnog reda i mira ocjenjujemo povoljnijim, s obzirom na strukturu i težinu prekršaja.

	2011	2012	RAZLIKA	TREND (%)
<b>Broj prekršaja JRiM</b>	<b>3272</b>	<b>3399</b>	<b>127</b>	<b>3,9</b>
<b>Broj počinioca prekršaja</b>	<b>4302</b>	<b>4595</b>	<b>293</b>	<b>6,8</b>
<b>Tuče</b>	<b>996</b>	<b>895</b>	<b>-101</b>	<b>-10,1</b>
<b>Naročito drsko ponašanje</b>	<b>978</b>	<b>1065</b>	<b>87</b>	<b>8,9</b>
<b>Odbijanje naređenja i omalovažavanje OSL-a</b>	<b>422</b>	<b>414</b>	<b>-8</b>	<b>-1,9</b>
<b>Prosjačenje</b>	<b>102</b>	<b>222</b>	<b>120</b>	<b>117,6</b>
<b>Neovlaštena upotreba oružja</b>	<b>28</b>	<b>19</b>	<b>-9</b>	<b>-32,1</b>
<b>Prekršaji u ugostiteljskim objektima</b>	<b>487</b>	<b>410</b>	<b>-77</b>	<b>-15,8</b>
<b>Prekršaji na ulici, trgovima, putevima i dr. otvorenim prostorima</b>	<b>2011</b>	<b>2172</b>	<b>161</b>	<b>8,0</b>
<b>Prekršaji na sportskim stadionima i dvoranama</b>	<b>80</b>	<b>49</b>	<b>-31</b>	<b>-38,8</b>

## SIGURNOST SAOBRAĆAJA

	2011	2012	RAZLIKA	TREND (%)
Broj saobraćajnih nezgoda	5086	3418	-1668	-32,8
Broj poginulih lica u saobraćajnim nezgodama	43	36	-7	-16,3
Broj teže povrijeđenih lica u saobraćajnim nezgodama	243	216	-27	-11,1
Broj lakše povrijeđenih lica u saobraćajnim nezgodama	1392	1405	13	0,9

Tokom 2012.godine na putevima Tuzlanskog kantona evidentirano je **3.418 saobraćajnih nezgoda**, od čega **30 saobraćajnih nezgoda sa poginulim licima**, **1.114 saobraćajnih nezgoda sa povrijeđenim licima** i **2.274 saobraćajne nezgode samo sa materijalnom štetom**. U navedenim saobraćajnim nezgodama smrtno je stradalo **36 lica**, **216 lica je teže** i **1.405 lica lakše povrijeđeno**.

U odnosu na 2011.godinu dogodilo se manje za **1.668 saobraćajnih nezgoda** ili **32,8%**, manje za **4 saobraćajne nezgode sa poginulim licima** ili **11,8%**, više za **6 saobraćajnih nezgoda sa povrijeđenim licima** ili **0,5%**, dok je broj saobraćajnih nezgoda sa materijalnom štetom **manji za 1.670** ili **42,3%**.

## UPRAVNO-PRAVNI POSLOVI

U toku 2012. godine **vođeno je 59.613 upravnih postupaka** iz oblasti građanskih stanja, primjene propisa iz oblasti saobraćaja, nabavljanja, držanja i nošenja oružja i municije i zaštite ljudi i imovine od čega **2.318 posebnih ispitnih postupaka**, a **59.085 skraćenih upravnih postupaka**. Ukupan broj riješenih predmeta do kraja godine je **57.322 predmeta**, što čini **procenat riješenosti predmeta od 96,16%** u odnosu na ukupan broj primljenih zahtjeva.

Od strane građana uložene su **24 žalbe na prvostepene postupke**, od čega je 1 žalba odbačena, 21 žalba odbijena, dok je za 2 žalbe postupak u toku.

U skladu sa Zakonom o agencijama i unutrašnjim službama za zaštitu ljudi i imovine izdato je odobrenje za rad jedne agencije, riješeno je 55 Zahtjeva za izdavanje službenih iskaznica, 36 Zahtjeva za poništenje službenih iskaznica, podneseno je 115 Zahtjeva za izdavanje odobrenja za pohađanje obuke radi sticanja sertifikata za obavljanje određene vrste zaštite ljudi i imovine i 1 Zahtjev za nabavljanje vatrenog oružja, te izdato 166 službenih iskaznica za lica koja obavljaju poslove zaštite.

Izvršeno je 13 nadzora nad radom Odjeljenja za administraciju MUP-a TK van sjedišta u oblasti izdavanja ličnih karata i putnih isprava, kao i 11 nadzora u oblasti registracije motornih vozila.

Iz oblasti građanskih stanja i poslova u vezi sa primjenom Zakona o nabavljanju, držanju i nošenju oružja i municije **pokrenuli 10.159 prvostepenih upravnih postupaka po službenoj dužnosti**, od čega je riješeno 8.982 predmeta pri čemu je riješenost ovih predmeta 88,41%. Stranke su po pitanju upravnih postupaka pokrenutih po službenoj dužnosti **uložile 52 žalbe**, od čega je 38 žalbi bilo na rješavanju u toku godine. Jedna žalba je odbačena, 29 žalbi odbijeno, 23 žalbe uvažene i u slučaju 1 žalbe postupak je obustavljen.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Službenici Odjeljenja za pravne i upravne poslove su tokom 2012. godine (drugostepeni upravni postupak) postupali po 126 primljenih žalbi koje su riješene u zakonskom roku.

Iz oblasti izdavanja uvjerenja i drugih isprava riješeno je 7.636 predmeta u zakonskom roku.

Iz djelokruga upravno-pravnih poslova, pored niza drugih aktivnosti izvršeno je **112.378 registracija vozila i** produžena registracija za 89.399 vozila, objavljeno je 20.543 vozila, izdato **10.646 vozačkih dozvola, izdato je 26.417 ličnih karata, izvršene 26.897 promjena adresa i prijave – odjave prebivališta,** određeno 7.066 jedinstvenih matičnih brojeva građana (JMB), doneseno je 8.329 rješenja iz oblasti građanskih stanja, primljeno **50.316 zahtjeva za izdavanje putnih isprava, a izdato je 49.012 putnih isprava, itd.**

## ZAKONODAVNA OBLAST

**Ministarstvo je pripremlilo i u skupštinsku proceduru uputilo prijedloge slijedećih zakona:**

1. Zakon o javnom okupljanju koji je donešen i dana 17.02.2012. godine objavljen u Službenim novinama TK-a
2. Zakon o izmjenama i dopunama Zakona o unutrašnjim poslovima Tuzlanskog kantona koji je donešen i dana 23.03.2012. godine objavljen u Službenim novinama TK-a
3. Zakon o izmjenama i dopunama Zakona o policijskim službenicima Tuzlanskog kantona
4. U oktobru 2012 na prijedlog MUP-a TK-a Vlada TK je usvojila Plan mjera za unapređenje rada i modernizaciju MUP-a TK
5. Zakon o izmjenama i dopunama Zakona o unutrašnjim poslovima Tuzlanskog kantona koji je usvojen na Vladi TK u decembru 2012 i proslijeđen dalje u Skupštinsku proceduru.
6. Zakon o izmjenama i dopunama Zakona o policijskim službenicima Tuzlanskog kantona koji je usvojen na Vladi TK u decembru 2012 i proslijeđen dalje u Skupštinsku proceduru.

**Vlada je na prijedlog ovog Ministarstva tokom 2012. godine donijela:**

- Uredbu o izmjenama Uredbe o plaćama i naknadama plaća policijskih službenika TK-a;
- Uredbu o izmjenama i dopunama Uredbe o Odboru za žalbe građana;
- Pravilnik o izmjenama Pravilnika o utvrđivanju platnih razreda i koeficijenata za plaće i drugih ličnih primanja policijskih službenika, državnih službenika i namještenika MUP TK-a;
- Pravilnik o izmjenama i dopunama Pravilnika o unutrašnjoj organizaciji MUP TK-a, u dijelu koji nije usklađen sa Zakonima koji su u međuvremenu stupili na pravnu snagu.
- U nacrtu budžeta 2013 uvrštena je i usvojena pozicija za isplatu noćnog rada policajcima u MUP-u TK, a to je problem koji prati MUP TK zadnjih 10 godina.

## TEHNIČKO OPREMANJE

Izvršena je nabavka sistema za GPS praćenje policijskih vozila, određen dio mrežne opreme za povezivanje policijskih uprava, novi panciri za specijalnu jedinicu, određena količina oružja za specijalnu jedinicu, 8 najnovijih radara tronožaca bez mogućnosti zloupotreba, određena specijalna oprema za posebne istražne radnje, sistem pokretnog video nadzora, košulje za policiju itd..

## Oblast budžeta i finansija

Ministarstvo finansija je u izvještajnom periodu radilo u skladu sa smjernicama i zaključcima Vlade i Zakonom o ministarstvima i drugim organima uprave Tuzlanskog kantona, kojim su mu dati zadaci i poslovi iz oblasti finansijske politike, platnog prometa, poreske politike, osiguravajućih institucija i drugih poslova iz oblasti finansija na nivou Tuzlanskog kantona, usaglašeno sa politikom koja se u ovoj oblasti sprovodi na nivu Federacije Bosne i Hercegovine.

Prihodi Tuzlanskog kantona formirani su na osnovu člana 7. Zakona o pripadnosti javnih prihoda Federacije Bosne i Hercegovine i finansiranje Federacije Bosne i Hercegovine i uglavnom potiču iz kategorije poreskih prihoda.

Budžet Tuzlanskog kantona za 2012. godinu utvrđen je u iznosu 399.392.045,81 KM, i isti je usvojen na sjednici Skupštine Tuzlanskog kantona dana 30.03.2012. godine, objavljen je u „ Službenim novinama TK“ broj:3/12, kao i Zakon o izvršenju Budžeta TK za 2012.godinu.

Izmjene i dopune Budžeta Tuzlansko kantona za 2012. godine usvojene su 29.11.2012. godine, te je Budžet utvrđen u iznosu od 399.951.240,13 KM i isti je objavljen u «Službenim novinama TK»broj: 13/12. Takođe utvrđen je Zakon o izmjenama i dopunama Zakona o izvršenju Budžeta TK za 2012. godinu, koji je objavljen u «Službenim novinama TK»broj: 13/12.

Sektor trezora je u gore navedenom periodu vršio slijedeće aktivnosti:

1. Ažurirani svi knjigovodstveni podaci računa budžeta TK
2. Urađen završni račun Budžeta Tuzlanskog kantona sa 31.12.2011. godine.
3. Unešena početna salda svih budžetskih korisnika u sistem Glavne knjige na dan 01.01.2012. g.
4. Obračun plaća se vrši centralizovano u Trezoru za sve budžetske korisnike.
5. Organizovano je niz sastanaka sa budžetskim korisnicima i izvršena dodatna edukacija zaposlenih, pripremljeno niz obavijesti i upustava zaposlenim.
6. Obavljene sve druge aktivnosti potrebne za funkcionisanje ISFU-a.
7. Podnesen Izvještaj o izvršenju Budžeta Tuzlanskog kantona za 2011. godinu i Izvještaj o utrošku tekuće rezerve Budžeta TK-a za period 01.01.-31.12.2011. godine, Vladi koja je isti usvojila dana 09.05.2012. godine, Zaključkom broj: 02/1-14-7037/12 i 02/1-14-7037-1/12.
8. Podneseni Izvještaji o utrošku tekuće rezerve Budžeta TK-a za prvi, drugi i treći kvartal 2012. godine, Vladi koje je ista usvojila Zaključcima broj 07/1-14-14058/12 od 17.07.2012., 07/1-14-14157/12 od 06.07.2012. i 07/1-14-25306/12 od 19.11.2012.
9. Podneseni Izvještaji o prikupljenim i raspoređenim javnim prihodima B-2 za svaki mjesec kumulativno Federalnom ministarstvu finansija, kantonalnoj i općinskim poreskim upravama, općinama i drugim korisnicima do desetog u mjesecu za protekli mjesec fiskalne godine.
10. Podneseni Izvještaji o konsolidovanim prihodima općinskih budžeta OB-4 Federalnom ministarstvu finansija do desetog u mjesecu za protekli mjesec.
11. Dostavljena Obavještenja o izvršenim povratima više ili pogrešno uplaćenih javnih prihoda kantonalnoj poreskoj upravi, pravosudnim i drugim kontrolnim organima kao i podnosiocima zahtjeva za povrat prihoda.
12. Podnešeni Vladi kvartalni ( tromjesečni ) Izvještaji o izvršenju Budžeta Tuzlanskog kantona.
13. Dnevno pripremani nalozi za raspodjelu javnih prihoda korisnicima sa depozitnog računa TK, te vršena stalna sravnjenja sa bankom.

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

14. Dnevna realizacija obaveza prema dobavljačima u skladu sa prioritetima tih obaveza utvrđenim u Zakonu o izvršenju Budžeta TK za 2012. godinu, te u skladu sa dinamikom priliva sredstava i tekućom likvidnošću budžeta.
15. Podnesen Godišnji obračun Budžeta TK nadležnoj organizaciji za potrebe statističke obrade do 28.02.2012. godine.
16. Podnošeni Konsolidovani tromjesečni računovodstveni iskazi Federalnom ministarstvu finansija (50) pedeset dana po isteku kvartala.
17. Izvršena priprema Naredbi, Uputstava, Informacija i drugih akata definisanih zakonom.
18. Rađeno na postavljanju ostalih poslova i zadataka na ITS.

Analiza ukupnog ostvarenja prihoda i primitaka Budžeta TK kao i rashoda Budžeta obrazložena je u Izveštaju o izvršenju Budžeta Tuzlanskog kantona za 2012. godinu.

Izvršavanje poslova iz nadležnosti Ministarstva finansija vršeno je u okviru organizacionih jedinica utvrđenih Pravilnikom o unutarnjoj organizaciji Ministarstva finansija.

Organizacionim ustrojstvom Sektor trezora Ministarstva finansija Tuzlanskog kantona je u toku 2012. godine, pored zakonom utvrđenih poslova iz oblasti finansijske politike, platnog prometa, poslova finansijsko-računovodstvenog karaktera, obavljao i sve druge poslove usaglašavajući iste sa propisima donesenim na nivou Federacije BiH i Skupštine TK.

Sektor trezora je svoj rad koordinirao sa poslovnim bankama, poreznom upravom i drugim finansijskim institucijama. Prioritetan zadatak ovog Sektora sastojao se u prikupljanju i raspoređivanju javnih prihoda koji je definisan Naredbom o uplatnim računima prihoda budžeta i vanbudžetskih fondova i Zakonom o pripadnosti javnih prihoda na području TK i finansiranju Tuzlanskog kantona.

**Sektor trezora je u gore navedenom periodu vršio sljedeće aktivnosti:**

Ministarstvo finansija je kontinuirano radilo na donošenju rješenja o povratima više ili pogrešno uplaćenih javnih prihoda u rokovima utvrđenim Zakonom o upravnom postupku i propisima koji definišu povrat više ili pogrešno uplaćenih javnih prihoda, te na donošenju rješenja o povratima više ili pogrešno uplaćenih javnih prihoda po osnovu poreza na dohodak za 2010. i 2011. godinu.

Ministarstvo finansija u postupku obavljanja poslova povrata više ili pogrešno uplaćenih javnih prihoda po osnovu poreza na dohodak za 2010. i 2011. godinu, susrelo se kao i 2011.godine sa problemom određenog broja predmeta koji nisu završeni. Ovo je rezultat enormnog povećanja broja predmeta nakon početka primjene Zakona o porezu na dohodak. Godišnji prosjek predmeta koji se odnose na povrat više ili pogrešno uplaćenih javnih prihoda sa oko 400 povećao se nakon početka primjene Zakona o porezu na dohodak na oko 6000 predmeta, dok je na tim poslovima ostao raditi samo jedan izvršilac kao i ranije.

Ministarstvo finansija, uz saglasnost Vlade, završilo je aktivnosti na zaključivanju ugovora o reprogramiranju neuplaćenih obaveza po Ugovoru o kreditu broj:02/1-14-8838/99 od 30.08.1999. godine u iznosu 2.211.053,72 KM, preostao kao neplaćen po utvrđenom diobenom bilansu bivšeg dužnika «Rudnika Kreka – Đurđevik» u Tuzli, sada pravnog sljednika, Z.D. RMU «Đurđevik» d.o.o. Đurđevik.

Ministarstvo finansija, uz saglasnost Vlade, završilo je aktivnosti na zaključivanju ugovora o reprogramiranju neuplaćenih obaveza po Ugovoru o kreditu broj:02/1-14-8838/99 od 30.08.1999. godine u iznosu 9.530.198,88 KM, preostao kao neplaćen po utvrđenom diobenom bilansu bivšeg dužnika «Rudnika Kreka – Đurđevik» u Tuzli, sada pravnog sljednika, Z.D. RMU «Kreka» d.o.o. Tuzla. Analizirajući realne rokove otplate preostalog dijela glavnog duga po osnovu odobrenog kredita u iznosu 9.530.198,88 KM, uz uvažavanje okolnosti poslovanja i davanja kredita i primaoca kredita, zaključivanje ugovora je u završnoj fazi.

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Vlada je na prijedlog Ministarstva finansija a na osnovu člana 9. stav 2. Zakona o izmjenama i dopunama Zakona o sudskim taksama («Službene novine Tuzlanskog kantona»,br.9/12), donijela Uredbu o taksenim markama kojom se uređuje emitovanje, distribucija i zamjena sudskih taksenih maraka na području Tuzlanskog kantona.

Na osnovu člana 5. Uredbe o sudskim taksenim markama, Ministarstvo finansija donijelo je Pravilnik o štampanju, distribuciji i prodaji sudskih taksenih maraka kojim se propisuju uslovi i način štampanja i dostavljanja u promet sudskih taksenih maraka.

Na osnovu člana 32a. stav 3. Zakona o izmjenama i dopunama Zakona o sudskim taksama («Službene novine Tuzlanskog kantona»,br.9/12), Ministarstvo finansija, donijelo je Uputstvo o načinu i postupku unosa podataka u registar neplaćenih sudskih taksi kojim se propisuje način i postupak unosa podataka o neplaćenim sudskim taksama.

Na osnovu člana 32a. stav 3. Zakona o izmjenama i dopunama Zakona o sudskim taksama («Službene novine Tuzlanskog kantona»,br.9/12), Ministarstvo finansija, donijelo je Pravilnik o izgledu i sadržaju Registra neplaćenih sudskih taksi kojim se propisuju izgled i sadržaj Registra neplaćenih sudskih taksi TK.

U 2009. godini zaključen je Ugovor o prenosu kreditnih sredstava po III Stand by aranžmanu MMF-a sa Vladom Federacije Bosne i Hercegovine između Federacije Bosne i Hercegovine i Tuzlanskog kantona. U 2012. godini a na osnovu predhodnog zahtjeva i pregovora Ministarstva finansija sa Federalnim ministarstvom finansija odobren je reprogram obaveza po osnovu III Stand by Aranžmana sa MMF-om u ukupnom iznosu glavnice od 17.600.000,00 KM, sa rokom otplate 5 (pet) godina i grace periodom do 2 (dvije) godine.

Skupština Tuzlanskog kantona je donijela Odluku o davanju saglasnosti za zaključivanje Ugovora o reprogramu obaveza po osnovu III SBA sa MMF-om.

Na osnovu Sporazuma o kreditu između Bosne i Hercegovine i UniCredit bank Austrija AG – Beč od 25.10.2011. godine, Supsidijarnog sporazuma između Bosne i Hercegovine i Federacije Bosne i Hercegovine o prenosu kreditnih sredstava od 10.05.2012. godine i Podugovora o kreditu između Federacije Bosne i Hercegovine i Tuzlanskog kantona broj: 07/1-14-6584-1/12 od 12.04.2012. godine, Ministarstvo finansija sačinilo je i predložilo donošenje odluka o prenosu kreditnih sredstava općini Čelić i prenosu donatorskih sredstava općini Čelić, nakon čega su potpisani navedeni podsporazumi.

Ministarstvo finansija, putem svog predstavnika učestvovalo je u radu Radne grupe za analizu i pripremu rješenja u oblasti javnih prihoda u Federaciji BiH i izradu prijedloga novog Zakona o pripadnosti javnih prihoda u Federaciji BiH.

Ministarstvo finansija je utvrdilo da je tekst Zakona o izmjenama i dopunama Zakona o pripadnosti javnih prihoda u Federaciji BiH dostavljen u formi u kojoj bi ga trebala razmatrati Federalna Vlada a kako u aktu Federalnog ministarstva finansija nisu bile navedene primjedbe i prijedlozi izneseni od strane predstavnika Tuzlanskog kantona, pa i nekih drugih kantona, predloženo je da se inicijative Radne grupe dopune sa inicijativama kantona koji su iskazali različito mišljenje u odnosu na prijedlog Zakona o izmjenama i dopunama Zakona o pripadnosti javnih prihoda u Federaciji BiH. Imajući u vidu predložena rješenja, Ministarstvo finansija tražilo je da se još jednom izvrši analiza raspodjele prihoda po prijedlogu Zakona o izmjenama i dopunama Zakona o pripadnosti javnih prihoda u Federaciji BiH, uz uzimanje u razmatranje i analizu prijedlog Ministarstva finansija Tuzlanskog kantona.

Ministarstvo finansija je tokom 2012. godine vršilo evidentiranje novih obveznika koncesionih naknada. Vršilo je knjigovodstveno evidentiranje obaveza koje privredni subjekti imaju po osnovu koncesionih naknada, redovito obavještavalo nadležna resorna ministarstva (i ostale subjekte) o stanju naplate koncesionih naknada, kao i o drugim potrebnim radnjama koje se poduzimaju u cilju kvalitetnije naplate ovih potraživanja u skladu sa nadležnosti Ministarstva finansija.

Zaključkom Skupštine Tuzlanskog kantona sa sjednice od 29.02.2012. godine usvojen je Nacrt Budžeta za 2012. godinu i Nacrt Zakona o izvršenju Budžeta za 2012. godinu, te Ministarstvo

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

finansija zaduženo je za sačinjavanje Programa javne rasprave. Ministarstvo finansija je nakon provođenja javne rasprave sačinilo Izveštaj o zahtjevima, primjedbama, sugestijama i rezultatima po osnovu javne rasprave o Nacrtu budžeta Tuzlanskog kantona za 2012. godinu, te utvrdilo prijedlog Budžeta za 2012. godinu i prijedlog Zakona o izvršenju Budžeta za 2012. godinu.

Skupština Tuzlanskog kantona je na sjednici održanoj 30.03.2012. godini usvojila Budžet Tuzlanskog kantona za 2012. godinu u iznosu od 399.392.045,81 KM i donijela Zakon o izvršenju Budžeta TK za 2012. godinu („Službene novine TK“ broj: 3/12).

Izmjene i dopune Budžeta Tuzlansko kantona za 2012. godine usvojene su 29.11.2012. godine, te je Budžet utvrđen u iznosu od 399.951.240,13 KM i isti je objavljen u «Službenim novinama TK» broj: 13/12. Takođe, donešen je Zakon o izmjenama i dopunama Zakona o izvršenju Budžeta TK za 2012. godinu, koji je objavljen u «Službenim novinama TK» broj: 13/12.

S obzirom da Budžet Tuzlanskog kantona za 2013. godinu nije usvojen do 31.12.2012. godine, Skupština Tuzlanskog kantona donijela je 21.12.2012. godine, Odluku o privremenom finansiranju Tuzlanskog kantona za period 01.01.2013. do 31.03.2013. godine («Službenim novinama TK» broj: 15/12).

Odjeljenje za planiranje budžeta Ministarstva finansija, nakon donošenja Budžeta je obavijestilo budžetske korisnike o odobrenim budžetskim sredstvima. Na osnovu člana 14. Zakona o izvršenju Budžeta Tuzlanskog kantona za 2012. godinu, a u vezi sa članom 5. Zakona o trezoru u F BiH, urađene su Odluke o utvrđivanju Plana novčanih tokova za periode januar – mart, april-juni, juli-septembar, oktobar – decembar tekuće godine. Odjeljenje za planiranje budžeta je na osnovu člana 28. Zakona o budžetima u Federaciji Bosne i Hercegovine i člana 14. Zakona o izvršenju Budžeta Tuzlanskog kantona za 2012. godinu uradilo Odluke o odobravanju sredstava u operativnom planu Budžeta Tuzlanskog kantona i Instrukcije o pripremi i podnošenju operativnih planova budžetskih korisnika za izvršenje Budžeta TK za periode januar – mart, april-juni, juli-septembar, oktobar – decembar 2012. godine.

Zakonom o budžetima u Federaciji BiH, propisana je obaveza trogodišnjeg planiranja budžeta, plana razvojnih programa, podnošenje budžetskih zahtjeva i sadržaj budžeta. Da bi se pristupilo gore navedenim aktivnostima a na osnovu člana 9. Zakona o Budžetu u Federaciji Bosni i Hercegovini utvrđena je obaveza izrade budžeta koji se zasniva na Dokumentu okvirnog budžeta. Osnove za izradu budžeta zasnivaju se na procjeni privrednog razvoja, razvoja socijalnog sektora, makroekonomskih indikatora i prognozi prihoda i rashoda za godine koje su obuhvaćene Dokumentom okvirnog budžeta.

U skladu sa gore navedenim, Ministarstvo finansija pristupilo je aktivnostima u vezi izrade Dokumenta okvirnog budžeta za 2013.-2015. slanjem Instrukcija za Budžetske korisnike br.1 za pripremu tabela pregleda prioriteta u procesu pripreme Dokumenta okvirnog budžeta 2013.-2015. godina i tabele koje su sastavni dio pomenutog dokumenta.

Ministarstvo finansija je pripremio Smjernice i ciljeve fiskalne politike za 2013.-2015. godine koje je Vlada usvojila na sjednici održanog dana 27.12.2012.godine.

Poseban angažman Odjeljenja za planiranje budžeta Ministarstva finansija sastojao se u predlaganju i dostavljanju na usvajanje Vladi, prijedloga odluka o usmjeravanju neplaniranih donacija u Budžet Tuzlanskog kantona u skladu sa članom 11. Zakona o izvršenju Budžeta TK, a na osnovu Uputstva o načinu uplate i korištenja neplaniranih donacija i grantova za budžetske korisnike Tuzlanskog kantona.

Takođe, na osnovu člana 20. Zakona o izvršenju Budžeta Tuzlanskog kantona za 2012. godinu, na zahtjev budžetskih korisnika, ovo Odjeljenje je predlagalo odluke o unutrašnjim preraspodjelama koje je donosio Ministar finansija i Vlada.

U ovom periodu Odjeljenje za planiranje budžeta je na zahtjev budžetskih korisnika davalo razna mišljenja: na nacрте i prijedloge Zakona u pogledu finansijskih sredstava, na raspoloživa sredstva tekuće rezerve, na planirana sredstva u Budžetu Tuzlanskog kantona vezano za zaposlenost, programe o utrošku sredstava sa pojedinih pozicija, odluke o utvrđivanju uslova, kriterija i postupaka za raspodjelu sredstava i drugo.



Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Ministarstvo finansija svoje aktivnosti realizirat će i kroz dokument Ciljevi i politike Ministarstva finansija za 2012. godinu.

Budžet Tuzlanskog kantona je za prva tri mjeseca 2012. godine izvršavan na osnovu Odluke o privremenom finansiranju Tuzlanskog kantona za period 01.01.-31.03.2012. godine ("Sl.novine Tuzlanskog kantona" broj: 17/11) i prioritetima utvrđenim u članu 18. Zakona o izvršenju Budžeta Tuzlanskog kantona za 2011. godinu. Budžetski korisnici nisu mogli započeti nove ili proširene programe i aktivnosti dok se ne odobri Budžet Tuzlanskog kantona za 2012. godinu.

Proglašenjem Budžeta Tuzlanskog kantona za 2012. godinu i Zakona o izvršenju Budžeta TK-a za 2012. godinu («Sl.novine Tuzlanskog kantona» broj: 3/12), od 01.01.2012.godine realizacija budžetskih sredstava se vrši po navedenim propisima.

Budžetski korisnici su u izvještajnom periodu finansijsko poslovanje obavljali preko Jedinstvenog računa Trezora u skladu sa operativnim mjesečnim planovima u okviru odobrenog Budžeta Tuzlanskog kantona i u skladu sa Zakonom o izvršenju Budžeta Tuzlanskog kantona za 2012. godinu.

U skladu sa članom 73. Zakona o budžetima u FBiH, ministar finansija je Vladi pravovremeno dostavio Izvještaj o izvršenju Budžeta za 2012. godinu.

Vlada dostavlja Skupštini Kantona dokumenta na dalje razmatranje i usvajanje, a na osnovu prijedloga Ministarstva finansija koji se posebno odnose na obaveze Ministarstva finansija prema Vladi.

## Oblast obrazovanja, nauke, kulture i sporta

Osnovni strateški ciljevi u oblasti obrazovanja, nauke, kulture i sporta je provođenje reforme predškolskog, osnovnog, srednjeg i visokog obrazovanja, racionalizacija mreže osnovnih i srednjih škola u cilju unapređenja kvaliteta rada, stvaranje kadrovskih i prostornih uslova za akreditaciju Univerziteta, stvaranje ambijenta za razvoj i zadovoljavanje potreba u kulturi, razvoj sporta uz veću uključenost stanovništva u sportske aktivnosti, te pružanje zadovoljavajućeg nivoa kvaliteta usluga građanima, ustanovama, organizacijama i institucijama iz nadležnosti Ministarstva obrazovanja, nauke, kulture i sporta.

Kada je u pitanju oblast obrazovanja, u izvještajnom periodu, prioriteta Ministarstva su bili nastavak reformskih procesa na svim nivoima obrazovanja, i to od predškolskog do visokog obrazovanja. Provođenje reformskih procesa iziskivalo je stvaranje normativno-pravnog okvira u oblasti predškolskog, osnovnog, srednjeg i visokog obrazovanja, pa je u vezi s tim u 2011. i 2012. godini donešeno 9 zakona 70 pravilnika, odluka i drugih provedbenih akata.

U predškolskom odgoju i obrazovanju u saradnji sa općinama radilo se na stvaranju uvjeta za implementaciju **obaveznog** predškolskog odgoja i obrazovanja pred polazak u osnovnu školu (u 2012. godini obuhvat djece obaveznim predškolskim obrazovanjem je 909 ili 22% što je za 8% više nego u 2011. godini).

U osnovnom odgoju i obrazovanju transformacija osmogodišnjeg u devetogodišnje osnovno obrazovanje se okončava. Poslije evaluacije po trijadama usvojeni su izmjene Nastavnih planova i programa za devetogodišnje osnovno obrazovanje. Obavljene su dodatne edukacije nastavnika za rad sa djecom koja imaju poteškoće u razvoju s ciljem jačanja kapaciteta škola po pitanju inkluzije.

U cilju unapređenja učeničkog standarda obezbijeđeno je sufinansiranje prijevoza učenika, koji putuju preko 4 kilometra od kuće do škole, a za učenike romske nacionalnosti preko 2 kilometra (pravo na subvencioniran prevoz u linijskom i vanlinijskom prijevozu je ostvarilo 4.466 učenika, a za te namjene iz Budžeta Kantona je izdvojeno 1.414.000,00 KM).

Dalje, izvršena je nabavka besplatnih udžbenika za učenike prvih razreda devetogodišnje osnovne škole (za ovu namjenu Federalna vlada je izdvojila sredstva u iznosu od 113.720,00 KM, a Vlada Kantona je izdvojila sredstva u iznosu od 90.000,00 KM).

U srednjem obrazovanju radilo se na poboljšanju kvaliteta srednjeg obrazovanja preko dodatne edukacije nastavnika u organizaciji Pedagoškog zavoda. U saradnji sa EU nastavljeni su reformski procesi u srednjem stručnom obrazovanju implementacijom programa EU VET 1, EU VET 2 i EU VET 3, kao i procesi u stvaranju boljih uslova za realizaciju praktične nastave u školama, odnosno praktične nastave u privrednim društvima, sve u cilju prilagođavanja srednjeg stručnog obrazovanja uslovima tržišta rada. U školskoj 2011/2012. godini realizovana je šesta eksterna matura za 753 maturanta općih gimnazija.

U okviru osnovnog i srednjeg obrazovanja u cilju poboljšanja kvaliteta nastavnog procesa izvršene su odgovarajuće izmjene i dopune 16 nastavnih planova i programa.

Na implementaciji Akcionog plana obrazovnih potreba Roma i drugih nacionalnih manjina postignuti su zavidni rezultati. U 2012. godini osnovne škole pohađa 777, a srednje 92 učenika romske narodnosti. Za 558 učenika romske nacionalnosti koji pohađaju nastavu od II do VIII razreda osnovne devetogodišnje škole nabavljeno je 1.609 udžbenika.

Da bi se zadovoljili osnovni pedagoški uslovi funkcionisanja osnovnih i srednjih škola na području Tuzlanskog kantona izvršena je analiza stanja u svim osnovnim i srednjim školama (shodno Pedagoškim standardima), a u skladu s tim i započete aktivnosti na stvaranju uslova za racionalizaciju mreže škola (u međuvremenu je izvršeno spajanje Srednje ekonomske i Srednje trgovinske škole Tuzla, te izmještanje Osnovne i Srednje muzičke škole u objekat Osnovne škole „Centar“ u Tuzli).

Pred početak školske godine raspisan je Konkurs za prijem nastavnog osoblja i sekretara u

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

118 osnovnih i srednjih škola sa područja svih općina Tuzlanskog kantona, na upražnjene 1.533 radne pozicije (sa punim i nepunim radnim vremenom), na koje se prijavilo 4.858 kandidata. Kako su kandidati jednom prijavom aplicirali u više škola, kada su se unijeli podaci za kandidate po pozicijama i školama u koje su aplicirali, utvrđeno je da je Konkurs imao 53.098 aplikacija.

Dalje, raspisan je Oglas za prijem administrativnog i pomoćno-tehničkog osoblja u 72 osnovne i srednje škole, takođe sa područja svih općina Tuzlanskog kantona, na upražnjenih 105 pozicija (sa punim i nepunim radnim vremenom), na koji se prijavilo 498 kandidata. Kako su kandidati jednom prijavom aplicirali u više škola, kada su se unijeli podaci za kandidate po pozicijama i školama u koje su aplicirali, Oglas je imao 2.502 aplikacija.

Po okončanju Javnog oglasa za sufinansiranje volontera, koji je proveden od strane Ministarstva, primljeno je 50 kandidata u ustanove obrazovanja, odnosno ustanove kulture. Ministarstvo je dalo saglasnost za volontiranje u ustanovama obrazovanja za osobe koje su pravo na volontiranje ostvarile posredstvom općina ili Ministarstva za boračka pitanja Tuzlanskog kantona.

U 2012. godini u osnovnim i srednjim školama, u partnerstvu sa Ministarstvom, realizirana su 44 razna projekta nevladinih organizacija.

U cilju unapređenja studentskog standarda obezbijedeno je sufinansiranje troškova smještaja i ishrane studenata u studentskim domovima, nastavljeno je sa kreditiranjem redovnih studenata sa akcentom na deficitarne fakultete/studijske odsjeke (kredit je dobilo 115 studenata dodiplomskog studija koji su ostvarili natprosječan uspjeh i 259 studenata dodiplomskog studija na temelju materijalnog položaja i socijalnog statusa). Podržano je kadrovsko jačanje Univerziteta, organizacija nastave na sva tri ciklusa studija, inoviranje nastavnih planova i programa, povećanje efikasnosti studiranja, kvaliteta obrazovanja i proširenje prostornih kapaciteta.

Ministarstvo je kontinuirano rješavalo zahtjeve za odobravanje sredstava za uplatu doprinosa za zdravstveno osiguranje učenika i studenata, koji pravo na zdravstveno osiguranje ne mogu ostvariti po drugom osnovu. Tako je u izvještajnom periodu doneseno ukupno 238 odluka za zdravstveno osiguranje učenika i studenata.

U proteklom periodu je kontinuirano proveden postupak priznavanje inozemnih obrazovnih isprava (ekvivalencija 52, nostrifikacija 144 i priznavanje diploma I, II i III ciklusa 28).

U 2012. godini Ministarstvo je radilo na zbrinjavanju zaposlenika koji su djelimično ili potpuno ostali bez radnih zadataka, u skladu sa čime je donesena 381 odluka kojima su zaposlenici na odgovarajući način raspoređeni u druge škole.

Kontinuirano je organizovano polaganje ispita za sticanje vozačke dozvole (testovi 6430 kandidata, upravljanje motornim vozilom 8457 kandidata). U okviru projekta "Edukacija djece u saobraćaju", u realizaciji RTV "Slon", napravljen je niz edukativnih video spotova pod nazivom "Mala škola saobraćaja". Odsjek za saobraćajnu edukaciju je kontinuirano vršio nadzor nad provođenjem edukacije kandidata za vozače motornih vozila, kao i nadzor nad organizovanjem polaganja vozačkih ispita.

Dalje, pripremljene su i Vladi na donošenje dostavljene odluke o utvrđivanju kriterija, uslova i postupka za raspodjelu sredstava iz Budžeta Kantona. Shodno pomenutim odlukama raspisani su i javni pozivi za podršku: projektima u oblasti izdavačke djelatnosti, projektima u oblasti tjelesne kulture i sporta, te projektima medija javnog informisanja. Nakon provedenih postupaka pripremljeni su i doneseni odgovarajući Programi raspodjele sredstava za pomenute budžetske pozicije.

Odjeljenje za kulturu i sport, shodno raspoloživim kapacitetima, kontinuirano je pratilo aktivnosti ustanova kulture, čiji je osnivač ili suosnivač Kanton. Pripremljena je i provedena procedura raspisivanja javnih oglasa, te na odgovarajući način pripremljeni prijedlozi kandidata za članove upravnih odbora (Muzej, Biblioteka „Derviš Sušić“, Arhiv, Pozorište).

Proveden je postupak dodjele jednokratnih stipendija i nagrada vrhunskim, kvalitetnim i perspektivnim sportistima sa područja Tuzlanskog kantona za 2012. godinu.

U saradnji sa Sportskim savezom Tuzlanskog kantona pripremljena je i organizovana tradicionalna manifestacija „Izbor sportiste Tuzlanskog kantona za 2012“. Pored navedene manifestacije,

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

finansijski, organizaciono i tehnički su podržane i druge sportske manifestacije od interesa za Tuzlanski kanton: Karate turnir "TK Open 2012." (tradicionalna manifestacija), Biciklistička trka „25. maj“ (tradicionalna manifestacija), Bokserska manifestacija "Rudarski gong" Banovići (tradicionalna manifestacija), kao i niz drugih sportskih manifestacija i događaja koji su se kontinuirano održavali u 2012. godini.

Na odgovarajući način, u saradnji sa JZU Dom zdravlja „Mustafa Šehović“ Tuzla, organizovani su specijalistički zdravstveni pregledi perspektivnih sportista sa područja Tuzlanskog kantona, odnosno sistematski pregledi drugih registrovanih sportista sa područja Kantona.

Odjeljenje za ekonomsko-finansijske poslove je kontinuirano, u skladu sa raspoloživim kapacitetima, obezbjeđivalo pružanje blagovremene i kvalitetne stručne i finansijske podrške u realizaciji operativnih ciljeva, kako odjeljenja u Ministarstvu, tako i ustanova obrazovanja i ustanova kulture, sve u skladu sa pozitivnom zakonskom regulativom.

Ministarstvo je aktivno učestvovalo u svim aktivnostima koje su organizovali Ministarstvo civilnih poslova BiH, Federalno ministarstvo obrazovanja i nauke, Federalno ministarstvo za kulturu i sport, Ministarstvo za ljudska prava i izbjeglice BiH, Agencija za predškolsko, osnovno i srednje obrazovanje, Agencija za razvoj visokog obrazovanja i osiguranje kvaliteta EU, OSCE, UNICEF, ETF, GOPA itd.

U 2012. godini organizovani su brojni sastanci, okrugli stolovi i konferencije, koje su imale za cilj unapređenje sistema, koji je u vezi sa nadležnostima Ministarstva.

## Oblast rada iz nadležnosti prosvjetno pedagoškog zavoda

Pedagoški zavod Tuzlanskog kantona je u 2012. godini posebnu pažnju usmjerio na poslove iz oblasti: općeg i užestručnog nadzora, stručnog usavršavanja nastavnika, stručnih saradnika i saradnika i menadžmenta škola, nastavka reformskih promjena obrazovnog sistema u osnovnim i srednjim školama TK, organizaciji i izvođenju takmičenja učenika iz nastavnih predmeta, organizacije polaganja stručnih ispita nastavnika, profesora, stručnih saradnika i saradnika, te odgajatelja u obrazovnim ustanovama, organizaciji i polaganju eksterne mature u općim gimnazijama, planiranju i izvođenju vrednovanja škola TK, održavanju seminara, osavremenjavanju i poboljšanju kvaliteta nastave.

U okviru rada Zavoda obuhvaćeno je i inoviranje NPP na svim nivoima obrazovanja posebno u okvirima I, II i III trijade devetogodišnjeg osnovnog obrazovanja, evaluaciji nastavnog procesa kroz praćenje realizacije nastavnih planova i programa.

### 1.1. PROJEKTI I ISTRAŽIVANJA

- Učešće u radu Odbora za reformu historije u BiH – realizacija projekta OSCE-a “Ishodi učenja i standardi učenčkih postignuća iz nastave historija za osnovnu školu”
- Organizacija i provođenje takmičenja učenika,
- EU VET 4 – Izrada standarda zanimanja za porodicu zanimanja “Poljoprivreda i prerada hrane”.
- Organizacija i provođenje eksterne mature
- Učešće u ekspertnim tijelima za izradu Priručnika za obuku školskih odbora, Priručnika za integraciju životnih kompetencija u osnovnim i srednjim školama (Matematičke kompetencije i prirodoslovne kompetencije), adaptacija i modernizacija NPP
- „Upravljanje projektnim ciklusom“ u organizaciji Misija OSCE-a u Bosni i Hercegovini
- „Sveobuhvatan pristup rješavanju problema dječije pornografije u BiH“ radionica u organizaciji MFS-EMMAUS i Ministarstva sigurnosti BiH, policijskih agencija i pod pokroviteljstvom organizacije Save the Children i OAK Fondacije.
- „Mapa puta za izradu standarda zanimanja“, seminar EU VET 4 BiH
- “Nastavni Planovi i Programi i cjeloživotno učenje“ okrugli stol u organizaciji GIZ, Federalnog Ministarstva obrazovanja i nauke i Swiss Agency for Development and Cooperation SDC

### 1.2. NADZOR NAD RADOM ŠKOLA

U svom radu PZTK ima nadležnost praćenja, savjetovanja i davanje svake druge podrške svim obrazovnim institucijama u TK.

Institucija	Broj institucija	Broj učenika/polaznika	Broj zaposlenih
Predškolske institucije	10	1842	138
Osnovne škole	87	45473	3479
Srednje škole	33	24145	1923
Ukupno	133	71461	5540

### 1.3. STUDIJSKO-ANALITIČKI POSLOVI

- Priprema instrumentarija za vrednovanje vannastavnih aktivnosti

## Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- Izrada plana stručnog usavršavanja za predškolske ustanove, osnovne i srednje škole TK,
- Izrada i analiza Izveštaja o upisu učenika u prvi razred,
- Istraživanje potreba škola u organizaciji fakultativne nastave,
- Izrada izvještaja o broju i strukturi kombinovanih odjeljenja u školama TK, i upoznavanje Stručnog vijeća o problematici kombinovane nastave na TK,
- Izrada Instrumentarija za vrednovanje osnovnih i srednjih škola
- Izrada Programa prevencije i sprečavanja maloljetničke delikvencije i postupanja u slučaju nasilja među djecom i mladima u OŠ i SŠ TK
- Izrada projekta modernizacije NPP za srednje tehničke i stručne škole sa akcentom na organizaciju eksterne mature

### 1.4. STRUČNO USAVRŠAVANJE NASTAVNIKA

U skladu sa planom seminara za 2012. godinu, pored ostalih održani su i slijedeći seminari:

- „Praćenje, vrednovanje, provjeravanje znanja i ocjenjivanje učenika“, u mrežama škola.
- „Realizacija NPP za predmete „Demokratija i ljudska prava“ u srednjim školama i „Građansko obrazovanje“ u osnovnim školama“,
- „Poduzeća za vježbu“,
- Značaj, organizacija i vođenje pedagoškog kartona djeteta/ učenika,
- Seminar za nastavnike predškolske ustanove, osnovne i srednje škole :“ Vođenje pedagoškog kartona“,
- “Zdravstveni aspekti nastave tjelesnog i zdravstvenog odgoja“ u trajanju od jednog dana“ i „Uloga nastavnika tjelesnog i zdravstvenog odgoja u revitalizaciji sporta u TK“,
- 12. „Uvod u inkluzivno obrazovanje sa osvrtom na djecu sa tjelesnim oštećenjima“ i "Inkluzivno obrazovanje- saradnja roditelja, nastavnika i stručnih saradnika"

### 1.5. PARTNERSTVA SA DRUGIM SUBJEKTIMA

- U saradnji i uz podršku NVO „Duga-Sarajevo“ realizovani su seminari za nastavnike razredne nastave „Unapređenje inkluzije u školama TK“, seminari realizovani na tri punkta po tri dana.
- Nastavak projektnih aktivnosti „Unapređenja inkluzije u školama TK“, seminar za nastavnike predmetne nastave.
- NVO MIOS: Izrada partnerskog projekta PZ TK sa navedenom organizacijom pod naslovom- "Razvojni tim" – aplicirali Soroš fondaciji,
- NVO "Mesters per Bosnia" Španija – saradnja osnovnih i srednjih škola na području TK i Španije – Katalunija
- Saradnja sa JU Služba za zapošljavanje TK i Kantonalnom privrednom komorom Tuzla, u cilju adekvatnije profesionalne orijentacije i profesionalnog usmjeravanja učenika osnovnih i srednjih škola (u predlaganju Plana upisa u prvi razred srednjih škola u šk.2012./13.godini) i izrada stručnog mišljenja o predloženom Planu upisa
- Učešće u EU-Vet 4 (tehničke i srodne škole) gdje je uključen 1 savjetnik Pedagoškog zavoda.
- Učešće u projektu Ministarstva za ljudska prava i izbjeglice i Unicef-a pod nazivom “Poboljšanje pristupa predškolskom obrazovanju za djecu iz Romskih zajednica“.
- Učešće u projektu Agencije za predškolsko, osnovno i srednje obrazovanje BiH, za izradu Priručnik za nastavnike, te Kurikuluma za obuku nastavnika za uvođenje poduzetničkog učenja u obrazovanju BiH
- Saradnja sa OSCE-om u vezi s reformisanjem nastave historije u Bosni i Hercegovini (Izrada standarda za nastavu historije).

## Oblast inspekcijskih poslova

U izvještajnom periodu, Kantonalna uprava za inspekcijske poslove je izvršila i u elektronskoj formi obradila **20.050** kontrola, zatim **11.104** predmeta zavedenih u Djelovodniku predmeta i akata, što ukupno iznosi **31.154** predmeta, odnosno ukupno obradila **86.602** akata u tim predmetima, od čega je uradila **71.473** izlaznih akata.

Gledano u odnosu na prethodnu 2011.godinu inspektori ove Uprave su izvršili **7.365** pregleda više ili procentualno **58,10 %** više nego u 2011.godini.

Takođe, i po pitanju predmeta zavedenih u djelovodniku, u 2012.godini je urađeno **2.370** predmeta više ili procentualno **27 %** više u odnosu na 2011.godinu.

Od ukupnog broja izvršenih kontrola, inspektori Kantonalne uprave za inspekcijske poslove su izvršili **8.464** redovne kontrole, **7.391** kontrole po zahtjevima stranaka, **2.580** kontrolna pregleda i **1.615** pregleda po predstavkama.

### I - Izrečene upravne mjere i izdati akti

U izvještajnom periodu, Kantonalna uprava za inspekcijske poslove TK, u svim upravnim oblastima, je naložila, izrekla i donijela **17.022** upravnih i drugih mjera i akata što je za **722** upravne i druge mjere ili procentualno **4,43%** više nego u prethodnoj 2011.godini. Ovaj podatak eksplicitno ukazuje na činjenicu da su postupajući inspektori u svim upravnim oblastima pokušali iste urediti putem preventivnih i korektivnih mjera, a da su se na represivne mjere odlučivali isključivo u inspekcijskim nadzorima koji su imali cilj suzbijanja sive ekonomije radi unapređenja realne ekonomije i novih investicija, te inspekcijskim nadzorima gdje su subjekti nadzora bili povratnici u prekršaj.

Analitički pregled izrečenih mjera i izdatih akata detaljno je navedeno u priloženim tabelama, a u nastavku teksta naveden je kraći pregled:

- 501 rješenja o zabrani rada,
  - 148 zabrana rada bez odobrenja
  - 353 ostalo zabrane
- 2.959 rješenja o nalaganju upravnih mjera, kako slijedi:
  - 2.663 rješenja o otklanjanju nedostataka,
  - 105 rješenja i potvrda o oduzimanju robe u vrijednosti od 55.559,92 KM,
  - 22 rješenja i potvrde o stavljanju robe van prometa u vrijednosti od 295.096,81 KM,
  - 22 rješenja o isključenju vozila iz saobraćaja,
  - 9 rješenja i potvrda o oduzetim predmetima u saobraćaju,
  - 151 ostalih rješenja.
- 8.005 uvjerenja i isprava,
- 5.557 ostale mjere i akti.

### II - Ishod preduzetih upravnih mjera

Po pitanju ishoda preduzetih upravnih mjera može se konstatovati sljedeće:

- po osnovu **501** izdatih rješenja o zabrani rada **47** subjekata nadzora je registrovalo djelatnost, **60** subjekata nadzora je prestalo sa radom, **5** subjekata nadzora je nastavilo raditi uprkos izrečenoj zabrani, a **175** subjekata nadzora je otklonilo nedostatke po izrečenim zabranama,
- po osnovu izdatih **2.663** rješenja za otklanjanje nedostataka **1.792** subjekta nadzora je otklonilo nedostatke, a **33** subjekta nadzora nije otklonilo nedostatke, dok se **838** subjekata nadzora nije kontrolisalo iz razloga što u izvještajnom periodu nije bio istekao rok za otklanjanje nedostataka,

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

- po izdatim rješenjima i potvrdama o oduzimanju robe doneseno je **35** rješenja o uništenju oduzete robe u vrijednosti od **12.511,40 KM**, zatim **3** rješenja o prodaji oduzete robe, u vrijednosti od **4.182 KM** i **15** rješenja o vraćanju oduzete robe u vrijednosti od **208.751,05 KM**.

U izvještajnom periodu izjavljene su **71** žalbe na rješenja inspektora ove Uprave, od čega je **10** žalbi odbačeno a **2** žalbe uvažene.

### III - Preduzete mjere – sankcije

- podnesena je **1** krivična prijava,
- podneseno je **58** zahtjeva za pokretanje prekršajnog postupka, što je za **26** zahtjeva ili procentualno **30,95%** manje nego u prethodnoj 2011.godini,
- izdato je **1.255** prekršajnih naloga u ukupnoj vrijednosti od **824.160,00 KM**, što je za **160** prekršajnih naloga ili **procentualno 14,61 %** više nego u prethodnoj 2011.godini.

Iz predloženih podataka vidljivo je da su inspektori podnijeli **26** zahtjeva za pokretanje prekršajnog postupka manje nego u 2011.godini, čime su rasteretili sudove minimalno za **26** ročišta i radi povećanja efikasnosti rada ove Uprave, sankcije su izricali putem prekršajnih naloga, kojih je u ovom izvještajnom periodu bilo više za **160** u odnosu na 2011.godinu.

### IV - Ishod preduzetih mjera-sankcija

Po pitanju izrečenih prekršajnih mjera putem prekršajnih naloga može se konstatovati da se u izvještajnom periodu od ukupno izdatih **1.255** prekršajnih naloga u vrijednosti od **824.160,00 KM**, na račun trezora BiH otpada **65.237,00 KM** ili procentualno **7,92 %**, zatim na budžet FBiH otpada **541.803,00 KM** ili procentualno **65,74 %** a na budžet Tuzlanskog kantona otpada **217.083,00 KM** ili procentualno **26,34 %**. Pored toga, budžetu Tuzlanskog kantona pripada i taksa u iznosu od **1.560,00 KM** iz razloga što subjekti nadzora kasne u izvršenju svojih obaveza, po pitanju uplate izrečene novčane kazne.

Od ukupno izdatih **1.255** prekršajnih naloga na prostoru Tuzlanskog kantona, **ishod** po istim izgleda kako slijedi:

- Izvršeno je **571** prekršajnih naloga u vrijednosti od **238.784,00 KM** ili procentualno **45,50 %**,
- **532** prekršajna naloga u vrijednosti od **373.037,00 KM** nisu izvršena ili procentualno **42,40 %** i vode se u Registru novčanih kazni (RNK),
- u **149** slučajeva u vrijednosti od **209.099,00 KM** ili procentualno **11,90 %** po osnovu izrečene novčane kazne putem prekršajnog naloga, zatraženo je sudsko odlučivanje, a **69** prekršajnih naloga u vrijednosti od **20.111,00 KM**, koji su bili na sudskom odlučivanju su riješena,
- broj nedospjelih prekršajnih naloga za naplatu je **3** ili procentualno **0,20 %**.

U izvještajnom periodu minimalna izrečena novčana kazna je izrečena u iznosu od **10,00 KM**, a maksimalna izrečena novčana kazna izrečena je u iznosu od **8.000,00 KM**. Prosječna izrečena novčana kazna putem prekršajnog naloga u izvještajnom periodu iznosi **656,70 KM**.

Takođe, u izvještajnom periodu putem prekršajnog naloga izrečeno je i **27** zaštitnih mjera.



## Oblast privatizacije

### Aktivnosti Kantonalne agencije za privatizaciju za 2011. godinu

Kantonalna agencija za privatizaciju u TK (u daljem tekstu: Agencija) tokom izvještajnog perioda, u okviru zakonom utvrđenih nadležnosti i u skladu sa Programom rada za 2011. godinu provodila je slijedeće aktivnosti:

1. Aktivnosti oko pripreme početnih bilansa i programa privatizacije preduzeća koja još nisu privatizirana.
2. Saradnja sa Agencijom za privatizaciju u FBiH, te dostavljanje traženih informacija i izvještaja.
3. Saradnja sa resornim ministarstvima i upoznavanje istih sa statusom preduzeća iz resorne nadležnosti a u cilju usaglašavanja stavova oko metoda privatizacije i budućeg statusa preduzeća iz registra preduzeća za privatizaciju.
4. Saradnja sa Komisijom za vrijednosne papire, Kantonalnim i Općinskim pravobranilaštvom i drugim državnim organima i institucijama.
5. Izrada Programa rada za 2012.godinu i Izvještaja o radu za 2011.godinu.
6. Podnošenje izvještaja Vladi u skladu sa zakonom i Skupštini TK na njen zahtjev.
7. Priprema, obrada i zastupanje Kantonalne agencije za privatizaciju Tuzla u sudskim sporovima
8. Pružanje informacija vezanih za privatizaciju preduzeća, kapitala i imovine, građanima i pravnim subjektima.
9. Sređivanje arhivske građe privatiziranih preduzeća.
10. Sistematizacija dokumentacije i akata vezanih za upravne i sudske postupke vođene vezano za privatizaciju preduzeća iz oblasti komunalne djelatnosti.
11. Redovan popis sredstava i obaveza prema izvorima sredstava i izrada izvještaja vezano za isto.
12. Pripreme i organizovanje sjednica Upravnog i Nadzornog odbora Kantonalne agencije za privatizaciju, kao i izrada nacрта akata koji budu doneseni na sjednicama

Sistematizacija dokumentacije i akata vezanih za upravne i sudske postupke vođene za JKP „Komunalac“ Tuzla, JKP „Centralno grijanje“ Tuzla, JKP „Pogrebne usluge“ Tuzla i JKP „Vodovod i kanalizacija“ Tuzla, JKP „Rad“ Lukavac i „Komunalno“ d.d. Živinice, JP „Komunalac“ d.d. Gradačac, JP „Vodovod i kanalizacija“ d.o.o. Gračanica ,sa kratkim osvrtom na hronološka događanja.

Na osnovu zahtjeva JP „Vodovod i kanalizacija“ d.o.o. Gračanica, 04.11.2011.godine doneseno je Rješenje o korigovanom početnom bilansu na dan 31.12.1999.godine.

Saradnja sa općinskim službama za geodetsko, imovinsko pravne poslove, općinskim, kantonalnim i federalnim pravobranilaštvima, te dostavljanje traženih podataka nephodnih za njihove evidencije. Većina traženih podataka odnosi se na identifikaciju nekretnina koje su bile obuhvaćene početnim bilansom stanja radi prenosa vlasništva sa državnog u vlasništvo privrednog subjekta, te identifikacije salda potraživanja od Federacije u pasivnom podbilansu početnog bilansa stanja preduzeća u cilju sačinjavanja baze podataka i dokazivanja po osnovu pokrenutih sudskih sporova od strane privrednih subjekata.

Kantonalna agencija za privatizaciju Tuzla je dana 15.04.2011.godine, raskinula Ugovor o kupoprodaji predmeta aukcije broj:1254/2009 od 25.09.2009. godine i pripadajućih aneksa za predmet: Poslovni prostor sa podrumom (magacinski prostor) i garaža na adresi Bulevar Mihaila Pupina 129, Novi Beograd, zaključen između Kantonalne agencije za privatizaciju, kao prodavca i SOLE KOMERC D.O.O. Beograd, kao kupca, te izvršila povrat uplaćenog depozita.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

Ugovor o kupoprodaji udjela državnog kapitala Rudnika krečnjaka „Vijenac“ d.o.o. Lukavac Kantonalna agencija za privatizaciju je sa kupcima zaključila dana 17.11.2010.godine, a dana 10.12.2010.godine sačinjen je zapisnik čijim potpisivanjem je počela primjena Ugovora.

Neposrednu kontrolu Ugovora u sjedištu društva Rudnika krečnjaka „Vijenac“ d.o.o. Lukavac Komisija Kantonalne agencije za privatizaciju obavila je dana 07.07.2011.godine, kada je zapisnički konatatovano slijedeće:

- da su kupci izvršili plaćanje prve rate kupoprodajne cijene u iznosu od 4.000.000,00 KM, te da uplatu druge rate u iznosu od 4.000.000,00 KM treba da izvrše do 24.10.2011.godine.
- da je obaveza investicionih ulaganja od predviđenih 6.000.000,00 KM u prvoj godini, sa danom kontrole izvršena u iznosu od 10.960.000,00 KM za što je priložena i odgovarajuća dokumentacija.
- da je na dan kontrole u Društvu uposleno 211 radnika od čega je 206 preuzetih, a 5 novouposlenih od kojih je 1 radnik na neodređeno a 4 radnika na određeno vrijeme.

Kupci su dana 19.10.2011.godine odnosno 21.10.2011.godine izvršili uplatu i drugog dijela kupoprodajne cijene u iznosu od 4.000.000,00 KM, čime je u cijelosti ispunjena ova ugovorna obaveza. Pored toga, kupci su dostavili dokumentaciju za izvršena ulaganja nakon obavljene kontrole, čime ukupna izvršena ulaganja u prvoj godini iznose 11.300.000,00 KM. Praćenje sudskih sporova kao i vršenje priprema za sudske sporove u kojima učestvuje Kantonalna agencija za privatizaciju. Agencija je svoje tekuće poslovanje u izvještajnom periodu finansirala iz planiranih izvora sredstava. Agencija je u izvještajnom periodu ostvarila prihode u iznosu od 4.036.012 KM. Navedena sredstva raspoređena su tako da je iznos od 3.249.850 KM prenesen na Kantonalni depozitni račun, a dalje na Razvojnu banku, dok je iznos od 750.149 KM prebačen na redovan račun Agencije, a po osnovu Finansijskog plana za 2011.godinu.

Ukupni rashodi u 2011.godini iznose 3.620.009 KM od čega izdaci nastali tekućim poslovanjem Agencije iznose 370.158 KM dok je na Kantonalni depozitni račun prebačen iznos od 3.249.850 KM sa šifrom 721613 „Sredstva privatizacije“.

Utrošena sredstva u izvještajnom periodu su u okviru planiranih veličina.

### **Aktivnosti Kantonalne agencije za privatizaciju za 2012. godinu**

Kantonalna agencija za privatizaciju u TK tokom izvještajnog perioda, u okviru zakonom utvrđenih nadležnosti i u skladu sa Programom rada za 2012. godinu provodila je slijedeće aktivnosti:

1. Aktivnosti oko pripreme početnih bilansa i programa privatizacije preduzeća koja još nisu privatizirana.
2. Saradnja sa Agencijom za privatizaciju u FBiH, te dostavljanje traženih informacija i izvještaja.
3. Saradnja sa resornim ministarstvima i upoznavanje istih sa statusom preduzeća iz resorne nadležnosti a u cilju usaglašavanja stavova oko metoda privatizacije i budućeg statusa preduzeća iz registra preduzeća za privatizaciju.
4. Saradnja sa Komisijom za vrijednosne papire, Kantonalnim i Općinskim pravobranilaštvom i drugim državnim organima i institucijama.
5. Izrada Programa rada za 2013.godinu i Izvještaja o radu za 2012.godinu.
6. Podnošenje izvještaja Vladi u skladu sa zakonom i Skupštini TK na njen zahtjev.
7. Priprema, obrada i zastupanje Kantonalne agencije za privatizaciju Tuzla u sudskim sporovima
8. Pružanje informacija vezanih za privatizaciju preduzeća, kapitala i imovine, građanima i pravnim subjektima.
9. Sređivanje arhivske građe privatiziranih preduzeća.

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

10. Sistematizacija dokumentacije i akata vezanih za upravne i sudske postupke vođene vezano za privatizaciju preduzeća iz oblasti komunalne djelatnosti.
11. Redovan popis sredstava i obaveza prema izvorima sredstava i izrada izvještaja vezano za isto.
12. Pripreme i organizovanje sjednica Upravnog i Nadzornog odbora Kantonalne agencije za privatizaciju, kao i izrada nacrtu akata koji budu doneseni na sjednicama

Na osnovu presuda Kantonalnog suda u Tuzli za preduzeća iz oblasti komunalne djelatnosti i to JP Komunalac Gradačac, JP „Vodovod i kanalizacija“ Gračanica, JP „Komus“ Gračanica, JKP „Centralno grijanje“, JKP „Komunalac“ Tuzla, JKP Komemorativni centar Tuzla (ranije JKP „Pogrebne usluge“ Tuzla) i JKP „Vodovod i kanalizacija“ Tuzla, „Tržnice pijace“ d.d. Tuzla, urađeni su pozivi za dostavljanje, ispravku i dopunu dokumentacije.

Donesene su Odluke Upravnog odbora kojima se poništava privatizacija u JP „Komunalac“ Gradačac, JP „Komus“ Gračanica i JP „Vodovod i kanalizacija“ Gračanica.

Na sjednici održanoj 23.10.2012.godine, Vlada FBiH, je donijela Odluku o načinu, odnosno metodu privatizacije državnog kapitala u preduzeću „Tuzlanska televizija“ d.o.o. Tuzla, broj:1399/2012 od 23.10.2012.godine, kojom se kao metod utvrđuje javna dražba, a kao nadležna agencija Kantonalna agencija za privatizaciju Tuzla.

Po donošenju Odluke Upravnog odbora, izrađeno je i doneseno Rješenje o odobravanju korigovanog početnog bilansa stanja na dan 30.06.2012.godine, Tuzlanska Televizija d.o.o Tuzla, broj: 01-997/2012 od 27.12.2012. godine.

Saradnja sa općinskim službama za geodetsko, imovinsko pravne poslove, federalnim, kantonalnim i općinskim pravobranilaštvom, te dostavljanje traženih podataka neophodnih za njihove evidencije.

U saradnji sa nadležnim kantonalnim i federalnim organima i institucijama preduzimali smo sve potrebne radnje i aktivnosti na razrješenju vlasničkog statusa poslovne zgrade “Soda-so” Holdinga u Tuzli, zemljišnih parcela “Livnice čelika” Tuzla i zemljišne parcele Mramor “TTU” Tuzla.

Dana 23.08.2012. godine izdato je Uvjerenje o izvršenju obaveza iz Ugovora o kupoprodaji predmeta aukcije broj:1566/99 od 15.06.1999.godine, za predmet kupoprodaje: Poslovni prostor prizemlje-8, prodavca DD „Geobušenje“ Tuzla.

Dana 27.11.2012. godine izdato je Uvjerenje o izvršenju obaveza iz Ugovora o kupoprodaji predmeta tendera broj:4484/2000 od 05.06.2000.godine, za predmet kupoprodaje: Skladište na adresi H.K. Gradašćevića 2, Gradačac, prodavca DD “Trgocentar” Gradačac.

Kantonalna agencija za privatizaciju Tuzla je dana 12.10.2012.godine objavila javni poziv za prodaju državnog kapitala preduzeća „Rudnici nemetala Kladanj“ d.o.o. Kladanj.

Interes za kupovinu kapitala navedenog rudnika, od momenta objave iskazala su dva lica (fizičko i pravno). Kako po objavljenom javnom pozivu nije pristigla ni jedna prijava, Komisija Kantonalne agencije za privatizaciju Tuzla, je dana 27.11.2012. godine donijela Odluku o proglašenju tendera, za prodaju državnog kapitala preduzeća “Rudnici nemetala Kladanj” d.o.o. Kladanj, neuspjelim.

Praćenje sudskih sporova kao i vršenje priprema za sudske sporove u kojima učestvuje Kantonalna agencija za privatizaciju.

U izvještajnom periodu zakazano je ukupno 10 pripremnih ročišta od čega je ukupno održano 3 ročišta i to u postupku pokrenutom tužbom PIF Eurofond, „dioničar društva d.d. Salines Tuzla protiv KAP Tuzla radi naknade štete na ime stvarne štete u vidu utrošenih certifikata. Navedeni postupak je prvostepeno okončan nakon održavanja glavne rasprave presudom Općinskog suda u Tuzli dana 24.09.2012. godine kojim je odbijen tužbeni zahtjev tužitelja u cijelosti kao neosnovan.

U izvještajnom periodu na prijedlog općine Tuzla prekinuta su dva postupka I to:

1. Postupak pokrenut tužbom PIF „Bonus“ Sarajevo protiv Općine Tuzla, Komunalac i KAP Tuzla radi istupanje članica iz društva i isplata udjela i
2. Postupak pokrenut tužbom Općine Tuzla protiv Komemorativnog centra Tuzla i KAP Tuzla radi utvrđenje-sporna nekretnina Mrtvačnica. Navedeni postupci su prekinuti do okončanja upravnih postupaka koji se vode pred KAP Tuzla.

Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine

Dana 18.05.2012. godine KAP Tuzla, postupajući po Zaključku Upravnog odbora KAP Tuzla, uputila je Općinskom sudu u Tuzli podneske o povlačenju tužbi po osnovu obračunatih sankcija kupcima 3 preduzeća. U izvještajnom periodu postupak pokrenut tužbom GIPS Tuzla protiv KAP Tuzla radi utvrđenja-sporna nekretnina na tzv. Lokaciji “Kajmak stanica” Tuzla je okončan povlačenjem tužbe od strane tužitelja. U izvještajnom periodu postupak pokrenut Tužbom Kantonalne agencije za privatizaciju Tuzla, protiv tuženog “CPM BH” d.o.o. Lukavac, radi raskida ugovora, nakon glavne rasprave održane i zaključene dana 22.11.2012. godine, donio je dana 28.12.2012. godine Presudu kojom se utvrđuje da je raskinut.

Finansijsko poslovanje Agencije je usklađeno sa Zakonom o finansijskom poslovanju, Zakonom o proračunima- budžetima u FBiH, Finansijskim planom za 2012.godinu i odlukama UO KAP TK. Agencija je u izvještajnom periodu ostvarila prihode u iznosu od 77.616 KM. Prihoda od prodaje državnog kapitala gdje je Agencija prodavac u ovom periodu nije bilo.

Ukupni rashodi u 2012.godini iznose 406.523 KM.

Utrošena sredstva u izvještajnom periodu su u okviru planiranih veličina.

## Oblast koncesija

### Aktivnosti komisije u izvještajnom periodu

U toku 2012.godine Komisija je održala 76 ( sedamdeset šest ) sjednica. Na sjednicama su razmatrani dostavljeni zahtjevi i materijali od strane resornih ministarstava u Vladi TK u skladu sa propisanim procedurama.

U izvještajnom periodu od strane resornih ministarstava u Vladi TK dostavljeno je 123 zahtjev za rješavanje i odlučivanje i nakon njihovih razmatranja, Komisija je donijela:

- 28 Odluka o odobravanju Studije tehno-ekonomske opravdanosti
- 24 Odluke o davanju ovlaštenja za vođenje pregovora
- 28 Prijedloga odluka za dodjelu koncesije upućenih prema Vladi TK
- 15 Odluka o odobravanju ugovora
- 1 Odluka o odobravanju Javnog poziva (tendera)
- 27 Mišljenje na obračun minimalnih naknada za koncesije

Pored razmatranja dostavljenih zahtjeva i donošenja odluka i zaključaka po tim predmetima, Komisija je na sjednicama razmatrala i planove i izvještaje o izvršenim kontrolnim nadzorima rada koncesionara i praćenju izvršenja ugovora o koncesijama, razmatrala i donijela izvještaj o radu za 2011.godinu, razmatrala i utvrđivala stavove po pitanju učešća na javnim raspravama, dostavljala odgovore na upite ministarstava u Vladi TK, javnih organa TK, Federacije BiH i BiH, pravnih i fizičkih lica čiji je predmet interesovanja bio najčešće tok aktivnosti i potrebna dokumentacija za sticanje prava na korištenja predmeta koncesije i drugo.

U postupku rješavanja zahtjeva za dodjelu koncesija na kraju 2012.godine, bilo je ukupno 24 predmeta iz raznih oblasti, koji se nalaze kod resornih ministarstava, i to:

1. Korištenje vodotoka i drugih voda na području Kantona.....14 predmeta
2. Izgradnja i korištenje hidroenergetskih objekata do 5 MW..... 1 predmet
3. Korištenje hidroakumulacija na području Kantona..... 1 predmet
4. Istraživanje i/ili korištenje energetskih i drugih mineralnih sirovina..... 2 predmeta
5. Istraživanje i/ili korištenje nemetalnih i metalnih mineralnih sirovina.. 4 predmeta
6. Korištenje ljekovitih termalnih i mineralnih voda..... 2 predmeta

U protekloj godini Komisija za koncesije je donijela Pravilnik o uspostavljanju i vođenju registra koncesija, koji je započeo sa primjenom, tako da na web stranici Vlade TK-Komisija za koncesije, između ostalog se nalazi i izvod iz registra koncesija dostupan javnosti, iz koga se vidi da je na kraju izvještajnog perioda bilo aktivnih 27 ugovora i to:

1. Ministarstvo industrije, energetike i rudarstva..... 16 ugovora
2. Ministarstvo poljoprivrede, energetike i rudarstva ..... 9 ugovora
3. Ministarstvo prostornog uređenja i zaštite okolice..... 1 ugovor
4. Ministarstvo obrazovanja, nauke, kulture i sporta..... 1 ugovor

Posmatrano sa aspekta korištenja prirodnih dobara, navedeni ugovori obuhvataju:

1. Eksploataciju kamena krečnjaka..... 7 ugovora
2. Eksploatacija kamena dijabaza..... 1 ugovor
3. Eksploatacija uglja lignita..... 1 ugovor
4. Eksploatacija mrkog uglja..... 2 ugovora
5. Eksploatacija plina CO<sub>2</sub>..... 1 ugovor
6. Eksploatacija slane vode..... 1 ugovor
7. Eksploatacija mineralne vode..... 1 ugovor

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

8.	Eksploatacija kvarcnog pijeska.....	2 ugovora
9.	Eksploatacija vode za piće za snabdijevanje stanovništva.....	3 ugovora
10.	Zahvatanje i flaširanje prirodne izvorske vode.....	1 ugovor
11.	Korištenje vode iz bunara za tehnološki proces.....	2 ugovora
12.	Korištenje vode iz hidroakumulacije.....	1 ugovor
13.	Korištenje poljoprivrednog zemljišta.....	2 ugovora
14.	Snabdijevanje građana toplotnom energijom.....	1 ugovor
15.	Izgradnja i korištenje teniskih terena.....	1 ugovor

Pored ranije zaključenih ugovora, kao najznačajnije ugovore zaključene u toku prošle godine, treba istaknuti ugovor sa RMU „Banovići“ iz Banovića potpisan na period od 30 godine, čime se stvaraju pretpostavke za realizaciju novih investicija (termoelektrana i cementara), ugovor sa privrednim društvom „Muška voda“ d.o.o. Kladanj, za zahvatanje i flaširanje vode, koji bi trebao da omogući otvaranje 40 novih radnih mjesta, te ugovor koji je potpisan početkom tekuće godine sa Rudnikom soli „Tuzla“ d.d. Tuzla na period od 30 godina, a koji znači samo nastavak ugovora o koncesiji za korištenje slane vode sa nalazišta kamene soli „Tetima“ u općini Tuzla, a samim tim i sigurnost i kontinuitet u snabdijevanju potrošača slane vode kao sirovine u hemijskoj industriji („Šiše-džam Soda“ Lukavac, Fabrika soli Tuzla, „Dita“ Tuzla), kao i jasniju viziju razvoja i ulaganja u navedenoj oblasti. Takođe treba istaknuti i ugovor potpisan na period od 30 godina sa privrednim društvom JP „Spreča“ d.d. Tuzla za korištenje vode iz hidroakumulacije „Modrac“.

### Prihodi od koncesija

Stanje stvorenih finansijskih obaveza i stepen naplate koncesionih naknada na dan 31.12.2012.godine, prema podacima Ministarstva finansija TK, iskazan je u narednoj tabeli:

Početno stanje	Fkturisano u 2012.godini	Ukupno fakturisano	Naplaćeno	Dug po fakturama	Dug po tužbama	Uplaćeno po tužbama	Ukupan dug
3.598.485,85	4.201.528,03	7.800.013,88	2.433.483,73	5.366.530,15	3.646.751,46	243.163,54	9.013.281,61

U saldu ukupnog duga, učešće duga JP „Elektroprivreda BiH“ d.d. Sarajevo, ZD Rudnici uglja „Kreka“ d.o.o. Tuzla je 7.570.656,30 KM, ili 83,99 %, te JP „Elektroprivreda BiH“ d.d. Sarajevo, ZD RMU „Đurđevik“ d.o.o. u iznosu od 631.468,73 KM, ili 7 %.

Ako uzmemo u obzir da je u ukupnom dugu pojedinih privrednih društava sadržan i dug po osnovu jednokratne koncesione naknade, za koju je odobreno plaćanje u ratama, to se sa sigurnošću može reći da je ispunjavanje ugovornih obaveza po osnovu koncesionih naknada od strane ostalih koncesionara na zadovoljavajućem nivou.

## **Oblast civilne zaštite**

Kantonalna uprava civilne zaštite (KUCZ) je formirana i obavlja svoje poslove, u skladu sa odredbama: Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10)(u daljem tekstu: Zakon o zaštiti i spašavanju), Zakona o zaštiti od požara i vatrogastvu („Službene novine Federacije BiH“, broj: 64/09)(u daljem tekstu: Zakon o zaštiti od požara), Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i Zakona o ministarstvima i drugim organima uprave Tuzlanskog kantona („Službene novine TK“, broj: 17/00, 3/01, 12/03, 10/05, 3/08 i 8/11).

Na osnovu nadležnosti utvrđene navedenim zakonima i drugim propisima i usvojenim Programom rada KUCZ za 2012. i 2013. godinu, od važnijih poslova koji su urađeni u navedenom periodu zaslužuju da se istaknu:

### **I Dokumenti koje je usvojila Skupština TK**

1. Zakon o zaštiti od požara i vatrogastvu na području Tuzlanskog kantona
2. Izvještaj o radu KUCZ i pregled aktivnosti u oblasti zaštite i spašavanja na području TK za 2011. godinu
3. Informacija o ostvarenim rezultatima deminiranja na području TK za 2011. godinu

### **II Dokumenti koje je usvojila Vlada**

1. Informaciju o ostvarenim rezultatima na deminiranju i trajnom obilježavanju minskih polja, na području TK u 2011. godini i Listu prioriteta deminiranja području TK za 2012. godinu.
2. Informaciju o realizaciji sufinansiranog deminiranja na području TK u 2011. godini
3. Informaciju o poduzetim aktivnostima u vrijeme trajanja stanja prirodne nesreće na području TK, uzrokovane velikim sniježnim padavinama i niskim temperaturama, u periodu od 05.02.2012. do 22.02.2012. godine.
4. Izvještaj o prikupljanju, raspodjeli i korišćenju sredstava Posebne naknade za zaštitu od prirodnih i drugih nesreća u 2011. godini.
5. Izvještaj o radu KUCZ za 2011.g. i Program rada KUCZ za 2012. godinu.
6. Odluku o postupku i uvjetima za dodjelu jednokratne novčane pomoći općinama TK, za otklanjanje šteta nastalih od prirodnih i drugih nesreća
7. Odluku o postupku i kriterijima za dodjelu pomoći općinama TK, iz sredstava posebne naknade za zaštitu od prirodnih i drugih nesreća.
8. Odluku o izmjenama i dopunama Odluke o osnivanju KŠCZ i doneseno Rješenje o izmjeni i dopuni Rješenja o postavljenju komandanta, načelnika i članova KŠCZ.
9. Zbirni izvještaj o procjeni šteta nastalih djelovanjem prirodne nesreće od visokog snijega i niskih temperatura u februaru 2012. godine, koji je izradila Kantonalna komisija za procjenu šteta.
10. Informaciju o sufinansiranom deminiranju na području TK u 2012. godini, između lokalne zajednice i HO “PRO-VITA” iz Mostara.
11. Saglasnost na Odluku KŠCZ o dodjeli jednokratne novčane pomoći općinama TK, za otklanjanje posljedica prirodne nesreće iz sredstava posebne naknade, u iznosu od 100.000,00 KM.
12. Zaključak o odobravanju redovnih budžetskih sredstava za dodjelu jednokratne novčane pomoći općinama TK za otklanjanje posljedica prirodne nesreće, u iznosu od 20.000,00 KM.
13. Zaključak kojim je donešen Program rada za izradu Plana zaštite od požara TK.
14. Informacija o stanju zaštite od požara i vatrogastvu, na području Tuzlanskog kantona.
15. Rješenja o imenovanju Radne grupe za kordinaciju aktivnosti na izradi Procjene ugroženosti od požara i Plana zaštite od požara TK.

Izveštaj o radu Vlade TK za 2012.godinu sa osvrtom o aktivnostima Vlade Tuzlanskog kantona za period 01.01.2012. – 31.03.2013. godine

16. Informaciju o posljedicama visokih temperatura i suše tokom ljetnih mjeseci u 2012. godini, na području TK.
17. Odluke o dodjeli jednokratne novčane pomoći općini Gradačac, u ukupnom iznosu od 25.000,00 KM, za otklanjanje posljedica prirodne nesreće iz juna 2012. godine.
18. Plan zaštite i spašavanja od prirodnih i drugih nesreća na području TK.
19. Prihvatila tekst Zahtjeva Vladi FBiH i Federalnom štabu civilne zaštite za dodjelu jednokratne novčane pomoći za saniranje posljedica prirodne nesreće, kojom je pogođena općina Gradačac, u junu 2012. godine.
20. Saglasnost na Odluku KŠCZ, kojom se vrši raspodjela ukupno 480.000,00 KM sredstava posebne naknade u 2012. godini, kao pomoć općinama za saniranje dijela šteta nastalih prirodnom ili drugom nesrećom.
21. Rješenje o imenovanju Radne grupe za izradu Programa razvoja zaštite i spašavanja na području TK za period 2012.-2017. godina.
22. Primjedbe i prijedloge KUCZ na Nacrt Zakona o izmjenama i dopunama Zakona o zaštiti od požara i vatrogastvu, koji je utvrdila Vlada Federacije BiH.
23. Prijedlog o davanju saglasnosti na Pravilnik o izmjenama i dopunama o unutrašnjoj organizaciji KUCZ.
24. Informaciju o pripremljenosti za zimsko održavanje puteva na području TK u sezoni 2012./2013. godina.

### **III Ostali poslovi KUCZ**

1. Pružanje stručnih, administrativnih, tehničkih i drugih poslova neophodnih za rad Kantonalnog štaba civilne zaštite (KŠCZ) i Kantonalne komisije za procjenu šteta (Kantonalna komisija) posebno za vrijeme proglašenog stanja prirodne nesreće na području TK i općina,
2. Preuzimanje 4 državna službenika iz Ministarstva unutrašnjih poslova TK i njihovo stavljanje u funkciju kroz Inspektorat za zaštitu i spašavanje,
3. Plan korištenja sredstava posebne naknade za zaštitu od prirodnih i drugih nesreća u 2011. i 2012. godini i realizacija Odluke o potrošnji navedenih sredstava od strane KŠCZ u 2012. godini,
4. Koordiniranje poslova deminiranja i prikupljanja i uništavanja neeksplozivnih ubojitih sredstava na području TK,
5. Realizacija I faze projekta „Operativni centri civilne zaštite Tuzlanskog kantona“ i stavljanje u funkciju VHF radio stanica u svih 13 općinskih operativnih centara i Kantonalnog operativnog centra civilne zaštite
6. Izrada Programa rada za izradu Plana zaštite od požara TK, raspisivanje konkursa u skladu sa Zakonom o javnim nabavkama BiH, odabir izvođača radova, koordinacija, revizija Procjene ugroženosti od požara TK i Plana zaštite od požara TK,
7. Izrada nove Procjene ugroženosti od prirodnih i drugih nesreća na području TK,
8. Organiziranje združene vježbe struktura civilne zaštite pod nazivom „Zrakoplovna nesreća na Međunarodnom aerodromu Tuzla“, u kojoj su pored KUCZ i KŠCZ učestvovali: JP Međunarodni aerodrom Tuzla, OSCZ Kalesija, Tuzla i Živinice, domovi zdravlja Kalesija, Tuzla i Živinice, Crveni križ općine Živinice, MUP TK, UKC Tuzla i Jedinica granične policije aerodroma Tuzla.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**VLADA**

**PREMIJER KANTONA**

**Sead Čaušević**

**Broj:**  
**Tuzla, 25.09.2013.godine**



Izvještaj o radu Vlade TK za 2012.godinu sa osvrtom o aktivnostima Vlade Tuzlanskog kantona  
za period 01.01.2012. – 31.03.2013. godine